



1. Piginnaangorsaaq
qinneq

2. Isumaginninnermi
teknologii

3. Peqqissutsimik
siuarsaaneq
pitsaaliuinerlu

4. Kajumissutsimik
suliniarneq

5. Puigortunngortunut
suliniuteqarneq

6. Najugaqariaatsit nutaat
& tikikkuminassuseq

7. Utoqqaat
angerlarsimaffiini inissat
amerlassusaat

8. Utoqqarnik
paaqqutarinninnermi
pitsaassuseq

9. Suliassanik suliarinninnerni
allaffissornermilu pitsaassutsit

Aallaqqaasiut

Utoqqarnut immikkoortumut pilersaarut angusaqarluarnissamik siunertaqarpoq, innuttaasut katitigaanerat isorartuujummat, aammalu Kommuneqarfik Sermersuumi utoqqaat namminneq inuunerminnik ingerlatsinissamik suliaqarnissamillu pingaartitaminnik kissaatigisatik naapertorlugit ingerlatsiniassammata – aamma ikiorneqartariaqaleralarunilluunniit. Taamaattumik Kommuneqarfik Sermersuumi utoqqaat ulluinnarni inuunerannut pitsanngorsaataasussanik utoqqarnut immikkoortumut pilersaarummi ineriartortitsinissamut suliniutissat nutaat arlallit suliarineqarput.

Suliniutissalli nutaat atuutilersinneqarnissaasa saniatigut, utoqqaat sullinneqarneranni ingerlatsineq aamma qitiutinneqartariaqarpoq. Innuttaasut utoqqaanerusut, ikiortariaqartut, ikorfartortuarniarlugit - aningaasatigullu oqimaqatigiissaarinissaq qulakkeerniarlugu, ingerlalluartumik ingerlatsisoqarnissaa qitiutinneqassaaq. Taamaattumik utoqqarnut immikkoortumut pilersaarutip suliarinerani ingerlatsinerup ineriartornissaa pingaartillugu qimerloorneqarpoq. Utoqqarnik paaqqutarinninnermi sulisut napparsimallutik sulinngitsoortarneri ilaatigut ikilisarniarneqarput, sulisullu piginnaasatigut pikkorissartinneqartarnissaat sulissutiginiarneqarpoq.

Utoqqaligaluaaraanniluunniit susinnaajunnaarsitsisoqassanngilaq. Utoqqarnut immikkoortumut pilersaarummi innuttaasut ataasiakkaat namminneq ikiornerunissaannut suliniuteqartoqarpoq. Taamaaliornikkut qulakkeerneqassaaq, pisariaqartitsivissorfiusuni sulisunik pitsaasumik atorluaanissaq. Utoqqartatta namminneq nukissaqassusiat atorluassavarput, kommunillu utoqqarnut neqeroorutigisinnaasaanik utoqqaat peqatigalugit ineriartortitsiuassalluta.

Utoqqarnut immikkoortumut pilersaarummi Kommuneqarfik Sermersuumi 2020 tikillugu aqutissiuussisoqarniarpoq. Ineriartortitsivissani maannakkorpiaq suliaasaqarfimmi sammineqartut unammilligassallu aallaavigineqarput, kisianni suliat ingerlaneranni ajornartorsiutinik, periarfissanik ilisimasanillu nutaanik siumugassaqassammat, ingerlaavartumik iluarsisuteqartoqartarlunilu nutaanik aallartitsisoqartasaaq. Taamaattumik immikkoortumut pilersaarummik suliaqarneq uninngaannarfiunngilaq.

Utoqqarnut immikkoortumut pilersaarutip angusaqarfiulluarnissaa qulakkeerniarlugu ineriartortitassarpasuit nalilersortarnissaat pingaaruteqarpoq. Nalilersuinnermi anguniakkat suliallu ingerlanneri nalilersorneqartassapput, tamatumani misissorneqartassalluni, suliniutini anguniakkat anguneqarsimanersut, atuutilersitsinissaq qanoq ingerlasimanersooq, suliniutit innuttaasunit qanoq ilassineqarsimanersut, aammalu pisariaqassappat qanoq pitsanngorsaasoqassanersooq.

2018-ip aallartinnerani utoqqarnut immikkoortumut pilersaarummi ineriartortitsiffissatut suliniutit pingaarnertut nalilersuiffiginissaannut suleqatigiissitaliortoqassaaq. Kisianni utoqqarnut immikkoortumut pilersaarutip pingaarnertut nalilersorneqarnissaata saniatigut, aamma najukkani ingerlaavartumik ilisimasat tunngavigalugit nalilersuisartoqarnissaq sulissutigineqartariaqarpoq, tassani sulisut - suliniutinik nutaanik maannakkullu ingerlasunik, nalilersuiuartussanngorlugit. Ilisimasat tunngavigalugit nalilersuisarnikkut ilinniartitsineq pitsanngorsaanerlu qulakkeerneqassaaq - tamakkulu tamarmik Kommuneqarfik Sermersuumi innuttaasunut iluaqutaalersussaapput, piujuartussanngortinnissaat tunngavigalugu.

Tunuliaqutaa

Utoqqarnut immikkoortumut pilersaarutip suliarinera pingasunik immikkoortulerlugu suliaavoq:

1. Immikkoortoq 1: Erseqqissaaneq
2. Immikkoortoq 2: Ineriartortitsineq
3. Immikkoortoq 3: Atuutilersitsinissamik qulakkeerineq

Utoqqarnut immikkoortumut pilersaarutip immikkoortua siulleeq 2015-imi marsip qaammataani politikikkut akuersissutigineqarpoq, taannalu utoqqarnut suliaasaqarfiup erseqqissarnerata

pitsaassusaatigut annertussusaatigullu inerineqarpoq. Paasiniaanermi siunertarineqarpoq utoqqarnut tunngasunik suliaqarnermi maannakkorpiat pisunik takunnissinnaaneq, ineriartortitseqqinnissamik suliaqarnermi tunngaviliisuusinnaasunik. Taamaattumik utoqqarnut immikkoortumut pilersaarummi immikkoortumi siullermi sullitat, nunap immikkoortui, kiffartuussinerit, neqeroorutit, aaqqissuussaaneq aammalu suliamik ingerlatsisut, allaffeqarfiup paaqqutarinninnermilu pitsaassuseq annertussuserlu pillugit najoqqutassatut suliarineqarput. Paasiniaanermi suliaassat pingaartinneqarnerpaat tunngavigalugit aaqqissuunneqarput, utoqqarnullu tunngasuni unammilligassat suussusersineqarlutik.

2. Immikkoortup aappaa 2015-imi aggustimi aallartinneqarpoq, innuttaasut annertuumik peqataatinneqarnerisigut, 2016-imilu aggustimi politikkikkut akuersissutigineqarpoq. Immikkoortup aappaani siunissami ineriartortitassatut suliniutissat allaaserineqarnerannik, ineriartortitassatullu suliniutissanut piumasaqaatit allaaserinerannik kinguneqarpoq.

Ineriartortitsiffissat qulingiluat uku suussusersineqarput:

1. Piginnaanngorsaaqqinneq
2. Isumaginninnermi teknologii
3. Peqqissutsimik siuarsaaneq pitsaaliuinerlu
4. Kajumissutsimik suliniarneq
5. Puigortunngortunut suliniuteqarneq
6. Najugaqariaatsit nutaat & tikikkuminassuseq
7. Utoqqaat angerlarsimaffiini inissat amerlassusaat
8. Utoqqarnik paaqqutarinninnermi pitsaassuseq
9. Suliassanik suliarinninnermi allaffissornermilu pitsaassutsit

Utoqqarnut tunngasuni siunissami unammilligassat naammassineqarnissaat anguniarlugu, suliniutissatut allaaserineqartuni kommunip utoqqarnik kiffartuussineranut aaqqissuussineranullu tunngaviatigut najoqqutassanik pingaartitanillu tunngaviliisunik nutaanik sammiveqarluni suliarinissaat allaaserineqarpoq. Utoqqaat angerlarsimaffiminni imaluunniit utoqqaat illuanni qanoq namminneq pisinnaatiginerannik, utoqqaat imminut ikiorsinnaalernissamut ikiorneqarnissaannut tunngavissat naapertorlugit tunngaveqarnerseq, imaluunniit innuttaasup nammineq akisussaaffiigaanerannik tunngaveqarnerseq pillugit sulisut ilisimasaqartigineri tamatumani pingaaruteqarluinnarpoq.

Uagut kommunitut innuttaasut inuunermik isumaqarluartumik eqeersimaarfiusumillu tunngaveqarnissaat ikiussagutsigit, taava kommunimit suliassaq pingarnerpaasariaqarpoq, innuttaasut imminnut ikiulernissaannut ikiussallugit. Taamaattumik "imminut ikiornissamut ikiuineq" immikkoortumut pilersaarutit suliarinerani tunngaviulluurtut ilagivaat.

Tamanna tunngavigalugu erseqqippoq, suliniutini nutaani pisariaqarmat, immikkoortut pingajuanni siliniutini allannguutit sunik kinguneqassanersut eqqarsaatigineqassasoq. Pitsaasumik atuutilersitsineq aatsaat pisinnaavoq, maannakkut suleriaatsip allanngortittariaqarnerannik aatsaat ilisimaarinnittoqarpat. Aammalu kommunimi nunap immikkoortuisa iluanni assigiinngissuterpasuit eqqarsaatigineqarpata.

Utoqqarnut immikkoortumut pilersaarutit immikkoortuata pingajuata siunertaa inerisarneqarneralu

Immikkoortut pingajuanni siunertarineqarpoq, immikkoortut aappaanni ineriartortitsinissamut suliniutit atuutilersinneqarnissaannut pilersaaruserluakkamik saqqummiussaqaarnissaq. Anguniakkat aappaanni ineriartortitsinermi iliuuserineqartussaqaq tunngavigalugu suliassaaavoq piviusunngortitsinissamut pilersaarutit pisariaqartut suussusersissallugit, tassani nunap immikkoortuini sorlarni inissisimaneq aamma kulturikkut assigiinngissutsit eqqarsaatigissallugit.

Atuutilersitsinissap ingerlanerani suliniutissat assigiinngitsut ataqatigiissilernissaat pingaaruteqarpoq, aammalu maannakkut suliniutit aallartereersut sorliit kinguartinneqarnersut allatullu atuutilersinneqarnersut ersarissarneqarnissaat. Taamaattumik ineriartortitsinissamik suliniutit tamarmik immikkut imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

Ineriartortitsinissamut suliniutit aallartereersut, tassaapput atuutilersinneqarsimasut atuutilersinneqarnissaannulluunniit aallartisarneqartut.

Siunissami ineriartortitsinissamut suliniutit, ukiuni aggersuni atuutilersinneqarnissaannik pilersaarutigineqareersut.

Suliniutit allatut atuutilersinneqartussatut pilersaarutigineqartut, allatut aaqqiissuteqarfigineqartussanngornikut. Assersuutigalugu tassaasinnaapput peqqinissaqarfik suleqatigalugu suliassat.

Utoqqarnut immikkoortumut pilersaarut unittussaannngitsutut ingerlaannartussatullu suliaammat, ineriartortitsinissamut suliniutissat nutaat, immikkoortup aappaani ilaatinneqanngitsut aamma allaaserineqarput. Siunnersuutini, isumassarsianik aaqqiissutissanillu, utoqqartatta sapinngisamik pitsaasumik inuuneqarnissaannut Kommuneqarfik Sermersuup qulakkeerinissaanut ilanngunneqartussanik takkuttoqartuassaaq.

Suliniummumut piginnittut

Suliassamik piginnittuuvog Isumaginninnermut, Suliffeqarnermut Inuussutissarsiornermullu Ataatsimiititaq aamma pisortaq Grethe Nielsen.

Suleqatigiissitat

Suleqatigiissitat tassaapput suliameqarsutut teamlederit, suleqatigiissitani sulianut akisussaasut, suliallu ingerlalluarnissaanik qulakkeerisussat.

Suleqatigiissitat suliassat:

- Suliameqarsutut ingerlaneranut pilersaarut
- Suleqatigiissitani teamlederit
- Sulisut sulianut attuumassuteqartut suleqatigiissitanut peqataatinneqarnissaat
- Misilittakkanik, ilisimasanik, kisitsisinillu paasiniaaneq
- Suliassamut atortussanik, aqutsisoqatigiinnullu uppersaatinik tunniussuinermini akisussaaneq.

Suleqatigiissitami peqataasussat:

- Birthe Bianco, utoqqarnik kiffartuussinermini fagcheffi
- Lise Lotte Have, isumassuiffimmi fagcheffiugallartoq
- Peter Mattaag, angerlarsimaffimmi ikiortinut, oqilisaassivimmi ulluuneranilu neqeroorutitut immikkoortumi aqutsisoq
- Hendrine Poulsen Lund, utoqqaat illuannut najugaqatigiiffiinullu immikkoortumi aqutsisoq

- Mika Eliassen, puiguttunngorsimasunik kiffartuussinermi ataqatigiissaarisooq
- Anna Dalbø, oqartussaasoqarfinnut tunngasuni immikkoortumi aqutsisoq
- Naja Kriegel, ulluinnarni aqutsisoq, Uttoqqaat Illuat
- Mikael Kemner, katsorsaasartoqatigiinni, iluaqusersuutitut isumaginninnermullu teknologimut tunngasulerinermi immikkoortumi aqutsisoq

Suleqatigiissitat ineriartortitassaat

Suleqatigiissitani peqataasartut suliaasaqarfinnit assigiinngitsuneersuupput, suliniuteqarfinnik ataasiakkaanik suliaqareernikuullutik. Suleqatigiissitat taakku ilanngussaq 1-imi takuneqarsinnaapput.

1. PIGINNAANNGORSAAQQIINEQ:

Piginnaanngorsaaqqiinnermi pineqarluni unitsinneqarnerup kingorna, paaqqutarineqalinnginnermi eqaarsaarnert aamma eqaarsaartuaannarneq, taakkulu assigiinngitsunik sulialinnit isumagineqarput. Piginnaanngorsaaqqiinnikut utoqqaat uninngaannarfiunngitsumik inuunissaat, ikiorneqarnissamik pisariaqartitaasa pitsaaliorneqarnerat aamma utoqqarnut tunngasunik sulinermik oqilisaassinissat qulakkeerneqassapput. Aamma tassani peqqinnissaqarfiup kommunillu suleqatigiinnerat ingerlalluartaasavoq, taamaalilluni innuttaasooq ataqatigiissumik kiffartuunneqarnerminik misigitinneqarniassammat. Taamaattumik maannakkorpiaq peqqinnissaqarfiup kommunillu akornanni peqqinnissamik isumaqatigiissusiornissaq suliarineqarpoq, peqqissutsimut neqeroorutit innuttaasullu suleqatigiinnik assigiinngitsunik aqquusaagaqartarnissai suussusersineqassallutik. Tamatuma saniatigut piginnaanngorsaasarneq pillugu nuna tamakkerlugu tusarniaasoqarpoq, taannalu upernaakkut ataatsimiinnermi oqaluuserineqassaaq, suliaasaqarfimmilu inatsisiliortoqarnissaanik siunnersuuteqartoqarluni.

Immikkoortumut pilersaarutip immikkoortuata aappaani, ineriartortitsinissamut suliniutissat makkua suussusersineqarput:

- *Paaqqutarineqalernissaq sioqqullugu sungiusartarneq*
- *Piginnaanernik attassiinnarumalluni eqaarsarneq*
- *Piginnaanngorsaaqqiiffimmik pilersitsineq*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

PGINNAANNGORSAAQQIINEQ:		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- Nuummi paaqqutarineqalernissaq sioqqullugu sungiusartarneq, aggusti 2016 - - Piginnaasanik	- Tasiilami paaqqutarineqalernissaq sioqqullugu sungiusartarneq, siusinnerpaamik 2018-imi	- Piginnaanngorsaaqqiiffimmik pilersitsineq tassunga ilanngullugu pilersarusiornissamut aningaasaliissutinik noqqaaneq

attassiinnarumalluni eqaarsaarneq, Nuuk 2016 - - Piginnaasanik attassiinnarumalluni eqaarsaarneq, Paamiuni atorfik 2015-imi pilersinneqarpoq	- Timersortuaannarit, ajornerulinnginnissaq pillugu eqaarsaarneq, 2017 Nuummi , Paamiuni, Tasiilami Ittoqqortoormiini. - 2017-imi illoqarfinni Nuup avataaniittunut isiginnaarut atorlugu siunnersuiutigaluni sungiusaqatigiittarsinna aneq misissorneqarlunilu misilerarneqassaaq.	
---	--	--

PAAQQUTARINEQALERNISSAQ SIOQQULLUGU SUNGIUSARTARNEQ

Paaqqutarineqalernissaq sioqqullugu sungiusartarnikkut utoqqaat peqataallutik inuunissaat, ikiorneqarnissamik pisariaqartitaasa pitsaaliorneqarnerat aamma utoqqarnik paaqqutarinninnermi sulineramik oqilisaassinissat qulakkeerneqassapput. Paaqqutarineqalernissaq sioqqullugu sungiusartarnikkut sulisut assigiinngitsuneersut, angerlarsimaffimmi sungiusaasartut (angerlarsimaffimmi ikiortit), tulleriissaarisartoq, pillorissaasoq aamma timimik sungiusaasoq innuttaasup pitsorinnerulernissaanut ikiorsinnaavaat, utoqqaap eqeersimaarluni inunnullu allanut akulerulluni inuunissaa qulakkeerniarlugu, tamakkuummatami napparsimasalinnginnissamut iluaqutaasussat.

Suliniutit aallartinneqartut

Nuummi paaqqutarineqalernissaq sioqqullugu sungiusartarneq

Paaqqutarineqalernissaq sioqqullugu sungiusartarneq Nuummi aallartereerpoq Nuummi paaqqutarineqalernissaq sioqqullugu sungiusartarnissamut timimik sungiusaasumik pillorissaasumillu atorfinitsitsisoqareerpoq. Paaqqutarineqalernissaq sioqqullugu sungiusartarnissami sulisussat allat tassaapput tulleriissaarisartut angerlarsimaffimmilu ikiortit. Novembari 2016-imi Nuummi Peqqissaanermik Ilinniarfimmi ulluinnarni piginnaanngorsaanermut pikkorissartitsisoqarpoq. Pikkorissarneq sapaatip akunneranik sivilissuseqarpoq, holdinut marlunnut agguataarlugit, angerlarsimaffimmi ikiortit ilinniarsimasut ilinniarsimannngitsullu. Imminut ikiorsinnaalernissamut ikiuinerunera nalunaarutiginiarlugu, angerlarsimaffimmilu ikiortit tassunga tunngatillugu nutaamik suliaasaqalernerit nalunaarutiginiarlugu, angerlarsimaffimmi ikiortit piginnaanngorsaaqqiinnermut tunngatillugu sulinerat "angerlarsimaffimmi sungiusaasutut" taaneqartalerput.

Paaqqutarineqalernissaq sioqqullugu sungiusartarnerup iluaqutissartaanik nalilersuineruutigisumik ilisimatusarfik aamma ilisimatusartoq Tine Aagaard suleqatigalugit 2017-imi upernaakkut pitsaassutsumik misissuqqissaartoqassaaq.

Siunissami suliniutissat

Tasiilami paaqqutarineqalernissaq sioqqullugu sungiusartarneq

Tasiilami paaqqutarineqalernissaq sioqqullugu sungiusartarnissaq kinguartinneqarpoq, 2018-imumlu missingersuusiornissamut periarfissanut ilanngunneqaqqikkumaarluni. Suliniut siullermeernermit peerneqarpoq, Nuup avataanit katsorsaasartunik atorfinitsitsiniartarnerit ajornakusoortarnerit misilittagaqarfigineqarmat, peqataanillu illoqarfinni allani suliniutip

aallartinneqannginnerani Nuummi periuseq atorlugu sungiusaasarnemit misilittakkat siulliit qanoq ittuussanersut piffissamik atuiffiorusummata.

PIGINNAASANIK ATTASSIINNARUMALLUNI EQAARSAARNEQ

Piginnaanernik attassiinnarumalluni eqaarsaarneq malitseqartitsinermik ingerlanneqartarpoq, taannalu Nuummiut eqqarsaatigissagaanni "paaqqutarineqalinnginnermi sungiusartarnermut" attuumassuteqarsinnaavoq.


Suliniutit aallartinneqartut

Piginnaasanik attassiinnarumalluni eqaarsaarneq

Nuummi piginnaasanik attassiinnarumalluni eqaarsaarneq holdini assigiinngitsuni ingerlaavartinneqarpoq. Holdimi ataatsimi assigiinngitsunik akornutillit timimik sungiusaasumit sungiusarneqartarput, allallu aanaartorsimasut, annertuumik pitsorlutsissimasut, pillorissaasumit timimillu sungiusaasumit ssungiusarneqartarput.

Paamiuni timimik sungiusaasutut atorfimmik peqqinnissaqarfik peqatigalugu ullup ilaannaa sulisartussamik pilersitsisoqarnikuuvoq, taannalu aalajangersimasumik innuttaasunik assigiinngitsunik akornutilinnik sungiusaasarluni ingerlatsisuuvoq. Kisianni atorfik taanna maaji 2016-imili inuttaqanngilaq, atorfinitsitsisoqarsinnaasimannginnera pissutigalugu. Nutaamik atorfinittoqarnissaata tungaanut illoqarfiit allat assigalugit, pillorissaasut timimillu sungiusaasut innuttaasunik ilitersuisarlutillu ataasiakkaat sungiusartarnissaannik pilersaarusiuuttarpat.

Tasiilami Ittoqqortoormiini innuttaasut, katsorsaasartoqatigiinnit ukiumut marloriarlutik tikinneqartarnermi ilitersorneqarsinnaallutillu angerlarsimaffimmini sungiusartarnissaminut malinnaaffigineqarsinnaapput.



Siunissami suliniutissat

Timersortuaannarit

Suliniutitut nutaatut 2017-ip ingerlanerani, sivisuumik napparsimanerup kingunerisaanik imaluunniit qaratsakkut aanaartoornerup kingunerisaanik annertunngitsumik pitsorlutsilaarsimasunut akunnattumilluunniit pitsorlutsissimasunut innuttaasut utoqqaat holdikkaarlugit sungiusartittuaannartarnissaat aallartinneqassaaq. Maskiinat arlallit pisiarineqareerput, taamaalilluni sungiusartarneq assigiinngisitaartinneqarlunilu innuttaasut pisariaqartitaannut naleqqussarneqarniassammat.

Nuummi holdit aalajangersimasut sungiusartinneqartassapput, timimik sungiusaasumit ilitersorneqarlutik. Tasiilami, Paamiuni Ittoqqortoormiini illoqarfinni nalunaarutigineqartarumaarpoq, pillorissaasut timimillu sungiusaasut qaqugu tikissanersut, taamaallutik innuttaasut utoqqaat imminnut naleqqussakkamik sungiusartarnissaminut pilersaarummik ilitersortikkiartortarniassammata. Katsorsaasartoqatigiit ukiumut marloriarlutik illoqarfinniittarnissaannut innuttaasut sungiusartarnissamut pilersaarutaat malinnaaffigineqartarumaarput. Paamiuni holdi aalajangersimasooq ingerlanneqarsinnaasassaaq, timimik sungiusaasut atorfik inuttaleqqinneqariarpat. Sungiusartarnerup nalilersorneqarnissaa pilersaarusiorneqassaaq, ukiup affaani ingerlatereeriarpat.

2017-imi isiginnaarut atorlugu sungiusartitsisarnissamut periarfissat misissorneqassapput, misiliisoqassallunilu. Tassunga ilanngullugu suleriutsit qanoq atorluarneqarsinnaanersut, taamaasillutik utoqqaat sinerissamiittut ullumikkornit annertunerusumik ataavartumik siunnersortitigallutik sungiusartarnerminnik ingerlatitseqqittassapput.

PIGINNAANNGORSAAQIIFIMMIK PILERSITSINEQ

Suliniutit allatut atuutilersinneqartut

Piginnaanngorsaaqqiineq kommunimit suliassatut qitiutinneqanngilaq, kisianni aamma Nunarput tamakkerlugu tassunga tunngasunik suliniutinik arlalinnik ingerlatsisoqarpoq. Suliniutit ataqtiginnissaat qulakkeerniarlugu piginnaanngorsaaqqiiffimmik pilersitsinissaq kinguartinneqarpoq. Piginnaanngorsaaqqiiffimmik pilersitsinissamut pilersaarusiornermut aningaasaliissutinik kommune Namminersorlutik Oqartussanut noqqaassuteqarnissani toqqarpaa. 2017-ip affaata siulliup ingerlanerani akissuteqartoqarnissaa naatsorsuutigineqarpoq, tassanngaanniillu suliap ingerlateqqinneqarnissaanut pilersaarusiortoqassaaq, pilersaarusiornissaq aningaasaliiffigineqassappat.

2. ISUMAGINNINNERMI TEKNOLOGII

Utoqqarnut suliassaqrarfiup imminut akilersinnaasup pilersinnissaa qulakkeerniarlugu, teknologiiikkut iluaqusersuutit nutaanerpaat atorneqarnissaa pisariaqarpoq, ilaatigut innuttaasut namminneq angerlarsimaffimminni sapinngisamik sivilunerpaamik najugaqarnissaannut iluaqutaasinnaammata aammalu puigortunngorsimasut utoqqaallu paaqqutarisariaqartut pitsaanerusunik atugassaqtartinnissaat qulakkeerneqassammat, kiisalu sulisunut oqilisaataalluni. Isumaginninnermi teknologii eqqortut aamma paaqqutarisariaqartunik sullissisunut oqilisaataassapput.

Immikkoortumut pilersaarutip immikkoortuata aappaani, ineriartortitsinissamut suliniutissat makkua suussusersineqarput:

- *Isumaginninnermi teknologiimik pisianik atuutilersitsineq nalilersuinerlu*
- *Siunissami isumaginninnermi teknologiimik pisiniarneq atuutilersitsinerlu pillugit periusissat*

Tulliuttuni immikkoortup aappaani ineriartortitsinissamut suliniutissat malinnaatinneqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

ISUMAGINNINNERMI TEKNOLOGII

<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
• Iluaqusersuutininik arlalinnik atuutilersitsineq - ass. perusersartarfiit kuutsittakkat/panersaatit allit, 2016 • Innuttaasunut puiguttortunngorsimasunut iluaqusersuutininik immikkut ittunik atuutilersitsineq, 2016 • Ikiortariaqalernermi kalerrisaarut • Iluaqusersuutininut atoqqitassanut errorsivimmik pisineq, 2016 • Toqqorsivimmi sulisoq Danmarkimi pikkorissartinneqassaaq, ilisimasassat ilitersorneqarnissarlut siunertaralugit, 2016	• Isumaginninnermi teknologiinik pisiortukkat nangittumik atuutilersinneqarneri • Ilinniartitsineq, 2017 • Nuummi toqqorsivik nutaaq, 2017 • Iluaqusersuutininut atoqqitassanut Nuummi errorsisarfik, 2017 • Nalilersuineq, 2017	• Ataatsimoortumik pisiniartarnermut isumaqatigiissusiornissa mut ilaatigut Ålborg Kommunep suleqatigineqarnissaa sulissutigineqarpoq.

ISUMAGINNINNERMI TEKNOLOGIIMIK PISIANIK ATUUTILERSITSINEQ NALILERSUINERLU

Suliniutit aallartinneqartut

Isumaginninnermi teknologiimi iluaqusersuutit 2015-imi aningaasaliiffigineqartut, ilaannakortumik atuutilersinneqareerput.

Perusersartarfiit kuutsittakkat/panersaatitallit innuttaasunut namminneq angerlarsimaffimminni najugalinnut ulluuneranilu ornittakkanut nutaalianik pisinissamut aningaasaliissuteqartoqareerpoq, taakkunani atuisut tamarmik perusersartarfimmik misiliiniassammata. Perusersartarfiit kuutsittakkat/panersaatitallit atuutilersinneqarneri nutaajummat, innuttaasunut sulisunullu, 2016 perusersartarfinnik kuutsittakkanik/panersaatitalinnik Kommuneqarfik Sermersuumi qanoq iliornikkut pitsaanerpaamik atorineqalernissaannut misilittakkanik ilisimasassanillu katersiviuvoq.

Iluaqusersuutit teknikkimut tunngasut tunniussuunneqarput, paqqutarinnittarfinni sulisut, sullitaminnik inuttut eqqiluisaarnermut tunngasunik suliaqarneranni oqilisaassiffiginarlugit. Maannakkuugallartoq misilittakkat naapertorlugit sulisut najugallillu akornanni pitsaalluinnartunik angusaqartoqarsimallunilu naammagisimaarinnittoqarpoq. Iluaqusersuutininik nutaanik atuutilersitsisoqarniaraangat, pillorissaasut timimillu sungiusaasut iluaqusersuummik pissarsiarineqartumik qanoq atorineqarnissaa pillugu sulisunik ilinniartitsisarneq ingerlattorujussuusimavaat, sulisut teknologiimik nutaamik atuinissaat pingaaruteqarmat.

2016-ip ingerlanerani paasinarsivoq, kommunip iluaqusersuutininut toqqorsivia aserfallatsaaliinissamullu periarfissai, errorsisarneq eqqiaasarnerlu ilanngullugit ullutsinnut

naleqqukkunnaarsimasut, kommunilu isumaginninnermut teknologiimi iluaqusersuutiniq nutaaliaanerusunik kommunimi innuttaasunut tunniussaqaarnissaq salliutissimallugu. Ålborgimi paasisassarsiorluni angalareernerup kingornagut, iluaqusersuutiniq errorsivimmik pisisoqarpoq, kommunip iluaqusersuutitit pigisai atoqqitassat ajornannginnerusumik eqqiarneqartarsinnaanngorniassammata. Toqqorsivik nutaaq piareerpat, 2017-imi errorsivik atulersussatut naatsorsuutigineqarpoq.

Isumaginninnermut teknologiimut tunngasut allanut tunngasunut atuuppoq - iluatsitsilluarnissamut ilisimasat pikkorissartarnerlu aalajangiisuulluinnarmata. Iluaqusersuutiniq toqqorsivimmi sulisumik Ålborgimut paasisassarsiorartortitsinissaq ingerlatsiviup toqqarpaa, tamatumani sulisut pingaarnerit pisariaqartunik ilisimasaqaarnissaat pingaaruteqarmat.

Utoqqarnut immikkoortumut pilersaarutit immikkoortuata aappaani allaaserineqarpoq, isumaginninnermut teknologiimut atortorissaarutit nutaat 2016-ip naalernerani atuutilersinneqareersimassasut. Aningaasarpasuit atorlugit teknologiimik pisisoqaraangat, atuutilersitsinnermut katiterinermullu nalunaaquttap akunneri atorneqartut ilanngullugit naatsorsuusiorneqartassapput. Assigiinngitsunik, ilaatigut pillorissaasunik timimillu sungiusaasunik atorfinitsitsiniarnerup ajornakusoorneranik, aammalu pillorissaasut timimillu sungiusaasut sulisunik allanik ilinniarsimasunik taarsernissaannik peqquteqarluni, atuutilersitsiffiusussaq kinguaattoorfiuvoq - tamannali kingusinnerusukut ingerlanneqarumaarpoq.

Siunissami suliniutissat

Isumaginninnermi teknologiimik pisianik atuutilersitsineq nalilersuinerlu

2016-ip naalernerani isumaginninnermut teknologiiniq piseqqittoqarpoq, taakkulu tamarmik atuutilersinneqarnissaat suli qitiutinneqarpoq.

Isiginnaarut atorlugu sungiusartarnissamut tunngatillugu 2017-imi periarfissat suunersut misissorneqassaaq, periarfissallu tamakkua misilerarnissaat. Aammalu atuutilersitsinnermi, Kommuneqarfik Sermersooq tamakkerlugu illoqarfinni nunaqarfinnilu tamani atorneqarsinnaaneri qulakkeerneqassaaq. Ikiortariaqalernermi kalerrisaarut patajaallisarneqassaaq, taamaasilluni qinnuteqarnermiit atuutilersitsinissap tungaanut suleriaatsit tamakkuninnga sulialinnit tamanit ilisimaneqarniassammata.

Iluaqusersuutit immikkut ittut pisarineqarnikuupput, innuttaasut immikkut ittumik pisariaqartitsisut pitsaanerusumik inuuneqarnissaannut atugassanik. Ilaatigut makku pineqarput:

- Siniffiit teknologiimik assigiinngitsunik atortorissaarutitalit
- Siniffinnik teknologiimik assigiinngitsunik atortorissaarutitalinnik tunisassiortut januaarip naalernerani Nuummuk tikissapput, sulisut, pillorissaasut timimillu sungiusaasut pedel-illu ilitersuukkiartorlugit, taamaalilluni attuumassuteqartut tamarmik sukumiisumik ilitersuunneqarniassammata. Tamanna pereerpat siniffiit ingerlaanneq atorneqalissapput.
- Tummeqqatigut majuartaat
Tummeqqatigut majuartaat innuttaasut tummeralinni najugallit anisinnaanissaannut iluaqusersuutaavoq. Taamaasillutik innuttaasut, ullumikkut angerlarsimaffimmini tummeqarnera pissutigalugu anisinnaanngitsut anisarnissaminnut periarfissaqarnerulissapput.

Nutaamik toqqorsiviliorneq

2017-ip affaani kingullermi iluaqusersuutitut toqqorsivilior-toqassaaq, toqqortaatigineqartut pitsaanerusumik aqunneqalissallutik aammalu eqqiaanissamut aserfallatsaaliinissamullu periarfissagissaarnerulissalluni.

Ataatsimoortumik naliliineq:

Marsip qiteqqunnerani 2017-imilu aggustip tungaanut teknologiimik iluaqusersuutit atuutilersinneqarneri nalilersuiffigineqassapput. Nalilersuinnermi apeqquutit ataaniittut aallaavigineqassapput:

- Teknologiimi suna siunertarineqarpa? Anguniagaq aamma iluatsitsilluarnert anguneqarpat Qanoq annertutigisumik?
- Suna iluatsippa?
- Unammilligassat suut misigisaqarfigaagut?
- Allanguutit suut, imaluunniit iliuusissat allat pisariaqarsimappat?
- Iluatsilluartumik siumut angusaqarniarluni qanoq iliortoqassava?

Nalilersuinnessami atuisut peqataatinneqarnissaa pingaaruteqartorujussuussaaq.

PISINIARNERMI PERIUSISSAT AAMMA ISUMAGINNINNERMI TEKNOLOGIIMIK ATUUTILERSITSINEQ

Nalilersuineq qinikkanut 2017-imi ukiakkut saqqummiunneqareerpat, ingerlatsivik suliassat ingerlanneqarnissaannut allaaserisaqassaaq, tassanilu Kommuneqarfik Sermersuumi isumaginninnermi teknologiimik pisiniarnermi atuutilersitsinermilu periusissaq suliarineqassaaq. Periusissiaq taanna 2017-ip naalernerani politikikkut ataatsimiititamut saqqummiunneqarnissaa



naatsorsuutigineqarpoq.

3. PEQQISSUTSIMIK SIUARSAANEQ PINAVEERSAARTITSINERLU

Inuit amerlanersaat peqqissumik aalanertalimmillu inoorusupput. Tamanna atugarissaarnermik nukissaqarnermillu tunisisarpoq aamma inuit amerlanerusut ataqqinartumik isumalimmillu inuunissaannut amerlanerusunik periarfissiivoq. Kommunimi peqqinnartuik inuuneqarnissamut siuarsaaniarluni suliniutit innuttaasut nussorneranni ukiuni aggersuni kommunimi inuiaqatigiinnilu naammattuugassani suliaasanut unammillernartunut pakkeersimaarinnissutitut pingaaruteqarput sunniuteqarlualutillu.

Immikkoortumut pilersaarutip immikkoortuata aappaani, ineriartortitassat makku suussuserneqarput:

- *Sulisut amerlillugit*
- *Peqqissutsimik siuarsaaniarluni angerlarsimaffimmut orniguttarneq*
- *Siusissukkut paasisanik atuutilersitsineq*

Tulliuttuni immikkoortup aappaani ineriartortitsinissamut suliniutissat malinnaatinneqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

PEQQISSUTSIMIK SIUARSAANEQ PINAVEERSAARTITSINERLU		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- 15.5.2016 aallarnerfigalugu timimik sungiusaasumik atorfinitsitsisoqarpoq, peqqissutsimut siuarsaarnermik pinaveersaartitsinermillu suliaqartussamik - Peqqissutsimik siuarsaaniarluni angerlarsimaffimmut ornigunneq, Nuuk, Paamiut aamma Ittoqqortoormiit, 2016 - Aalanissamik neqeroorutit "Aalagit imminut paarigit" 2016 - Nuummi qaqqaliarneq, 2016 – ukiumut ataasiarluni ingerlanneqartassaaq	- Nerisat pillugit immikkut ilisimasalik 2018-imut missingersuusiornissamut periarfissat allattorsimaffiannut ilanngunneqassaaq . - Peqqissutsimik siuarsaaniarluni angerlarsimaffimmut ornigunneq, Tasiilaq nunaqarfiilu, Kapisillit, Qeqertarsuatsiaat, Arsuk 2017 - Aalanissamik neqeroorutit "Aalagit imminut paarigit", Tasiilaq nunaqarfiilu, Kapisillit, Qeqertarsuatsiaat, Paamiut, Ittoqqortoormiit Arsuk, 2017 - Utoqqaat timigissartartut, Tasiilaq nunaqarfiilu,	-

- Utoqqaat timigissartartut, Nuuk, Paamiut aamma Ittoqqortoormiit, 2016 - Unnukkut paasissutissiineq, Nuuk 2016 - Angerlarsimaffimmi ikiortinut tamanut siusissukkut sumiiffissiuinissamut allattuiffik, 2016 - Nuummi naluttarfik Malimmi utoqqarnut arfineq pingasoriarluni nalunnguarluni sungiusartitsineq sapaatit akunnerini sisamani sapaatip akunneranut marloriarluni.	- Kapisillit, Qeqertarsuatsiaat, Paamiut, Ittoqqortoormiit Arsuk, 2017 - Unnukkut paasissutissiineq, Tasiilaq nunaqarfiilu, Kapisillit, Qeqertarsuatsiaat, Paamiut, Ittoqqortoormiit Arsuk, 2017 - Utoqqaat pisariaqartitsineranni biiliussisartog, periarfissat allattorsimaffianni allaaserineqassaaq	
--	---	--

SULISUT AMERLILLUGIT

Suliniutit aallartinneqartut

Peqqissutsimik siuarsaanermik pinaveersaartitsinermillu suliaqartussat Timimik sungiusaasoq Juunip aallaqqaataa 2016 timimik sungiusaasumik peqqissutsimik siuarsaanermik pinaveersaartitsinermillu suliaqartussamik atorfinitsitsisoqarpoq . Timimik sungiusaasup taassuma innuttasunut 75-ileereersimasunut siornatigut 80-ileereersimasunut angerlarsimaffimmut orniguttarneq aallartereerpaa, unnukkut paasissutissiisarnerit ingerlanneqalereerput, eqaarsaartarnissamullu neqeroorutit allat aallartinneqareerlutik, taannalu takussutissami ”suliniutit aallarteersut-ni.takuneqarsinnaavoq.

Siunissami suliniutissat

Nerisanut siunnersorti

Nerisat pillugit immikkut ilisimasalimmik atorfinitsitsisoqarnissaanut 2017-imut missingersuusiornermut atatillugu aningaasaliissuteqarfigineqarnissamik qinnuteqaateqartoqarnikuuvoq. Ukiumi aggersumik taamatut atorfinitsitsinissamut aningaasanik nassaartoqanngilaq, taamaattumik nerisat pillugit immikkut ilisimasalimmik ilaterinissaq 2018-imut periarfissanut allattorsimaffimmut ilanngussisoqassaaq.

Peqqissutsimik siuarsaaniarluni angerlarsimaffimmut orniguttarneq

Peqqissutsimik siuarsaaniarluni angerlarsimaffinnut orniguttarneq utoqqarnut 75-ileereersimasunut neqeroorutaavoq. Peqqissutsimik siuarsaaniarluni angerlarsimaffimmut ornigunnermi innuttaasoq nammineerluni toqqaasinnaavoq, taamaasilluni ataasiakkaat ulluinnarni inuunerat ajornartorsiutigisinnaasaallu aallaavigineqassallutik. Nerisaqarneq, pujortartarneq, imigassaq qasujaallisarnerlu (naalisarlugu qallunaatuuani KRAM (Kost, rygning, alkohol og motion)) tamarmik eqqartorneqarnissaat anguniarneqarpoq. Peqqinnissamik siuarsaanissaq anguniarlugu angerlarsimaffimmut ornigunnermi aamma inuttut mattusimasarnerup akiorniarneqarnissaa qitiutinneqassaaq. Aammalu pulaarnermut atatillugu ajornartorsiutaasinnaasut allat qulaajarneqarsinnaapput - soorlu puiguttortunngornissamut aallarnisaataasut eqqartorlugit.

Angerlarsimaffimmut ornigunnermi siusissukkut suliniuteqarnermut tunngaviussaaq, innuttaasut ataasiakkaat napparsimakulaneq anigussagaat, inoqatiminnullu attaveqarnerulerneq misigissagaat. Taamatut suliniuteqarnermi innuttaasoq nammineq najukkamini namminersorluni eqeersimaarluni innuttaaqataaniisaanut ikorfartorneqassaaq.

Atuutilersitsinissamut atatillugu utoqqaat 75-ileereersimasut utoqqanerillu allattorsimaffinik pissarsiniarnikkut aallartinneqarpoq.

Aallaavittut innuttaasut angerlarsimaffinut orniguttarnissaq imaaliiallaannaq ukununga neqerooruteqartoqarneq ajorpoq:

- Sammisassaqtitsiviliartartunut
- Najugaqarfinni utoqqarnut naleqqussakkani najugalinnut / utoqqaat angerlarsimaffiini najugalinnut
- Annertuumik inuttut paaqqutarineqartussatut aamma angerlarsimaffimmi ikiorteqartarneq malillugu ikiorneqarnissaannut innersuunneqarsimasut
- Innuttaasut puiguttortut aqqissuussamik oqaloqateqarsinnaanngitsut, tassunga ilanngullugu nammineq kissaatigisanik pisariaqatitanillu oqaatiginissinnaanngitsut

Pinaveersaartitsinissaq siunertaralugu innuttaasup angerlarsimaffianut orniguttarnissaq innuttaasumit namminermit aalajangerneqartassaaq. Nammineq aalajangiisinnaassuseqarnerup kingunerissavaa, siusissukkut iliuuseqarniarluni pinaveersaartitsinissaq siunertaralugu orniguttarneq illuatungeriinnut iluaqutaanissaa, innuttaasorli orninneqarnissamik itigartitsisinnaalluni. Kisianni nammineq aalajangersinnaassuseqarneq "imminut ikiorsinnaanngornissamut ikiuineq"-mut tulluurtuuvog, aammalu innuttaasoq nammineq inuunerminut aalajangeeqataaniassamat.

Suliniummumut anguniagaq: innuttaasuni sullitassat tamarluinnarmik pinaveersaartitsinissaq siunertaralugu orninneqartarnissaminik neqeroorfigitinnissaat.

Suliniutit aallartinneqartut

- Pinaveersaartitsinissaq siunertaralugu angerlarsimaffinnut orniguttarnissaq innuttaasunut +75-ileereersimasunut aallartinneqareerpoq (Siornatigut innuttaasunut 80-ileereersimasunut taamaallaat atuuppoq)
- 2016 juuli: Suliniut Nuummi aallartinneqarpoq, ingerlaavartuutinneqassallunilu.
- 2016 oktobari: Suliniut Paamiuni aallartinneqarlunilu naammassineqarpoq. Pinaveersaartitsiniarluni angerlarsimaffinnut orniguttarnissamik sullitassanik

innuttaasunut neqeroorutigineqarpoq, sapaatillu akunnerini 40-mi 41-milu naammassineqarluni.

- 2016 novembari: Suliniut Ittoqqortoormiini aallartinneqarlunilu naammassineqarpoq. Pinaveersaartitsiniarluni angerlarsimaffinnut orniguttarnissamik sullitassanik innuttaasunut neqeroorutigineqarpoq, sapaatillu akunnerani 44-mi naammassineqarluni.

Pinaveersaartitsinissaq siunertaralugu orniguttarnerit ukiumut ataasiarluni tulleriiaarilluni ingerlanneqartarnissaat anguniarneqarpoq.

Siunissami suliniutissat

Kommunimi illoqarfinni nunaqarfinnilu allani pinaveersaartitsineq siunertaralugu angerlarsimaffinnut orniguttarnerit ukiumut ataasiarluni tulleriiaaraluni, suliamut atatillugu angalanerni imaalillugit ingerlanneqartassapput:

- 2017 marsi: Tasiilaq nunaqarfiilu
- 2017 aprili: Kapisillit
- 2017 aprili: Qeqertarsuatsiaat
- 2017 oktobari: Arsuk

Taamaalilluni suliniutip aggusti 2017-imi tamakkiisumik atuutilersinneqarsimanissaa naatsorsuutigineqarpoq.

Suliniut 2017-ip naalernerani nalilersorneqassaaq, kommunimi illoqarfiit nunaqarfiillu tamarmik tikinneqareeripata.

Aalanissamik neqeroorutit "Aalagit imminut paarigit", illoqarfinni ulluunerani ornittakkanut.

Neqeroorummi sammisassaqaartitsivimmik atuisartut pikkunartumik sungiusarnissaminnut periarfissinneqassapput, timersornermi akunnattumik imaluunniit pikkunarnerusumik sungiusartarnissamut innersuussutaasut naligalugit. Suliniummi inooriaaseq pissutigalugu nappaatinik pinaveersaartitsinissamut ilapittuutaavoq, aammalu innuttaasut ataasiakkaat pitsorissinerunissaannut iluaqutaassalluni.

Suliniutit aallartinneqartut

- 2016 maaji: Suliniut Nuummi aallartereerpoq
Sapaatip akunneranut akunnerit 2 x 1 sammisassaqaartitsivimmi Ippiarsummi, aamma Sapaatip akunneranut akunnerit 2 x 1 sammisassaqaartitsivimmi Pilutami.

Suliniuteqarnissami anguniagaavoq:

Sammisassaqaartitsivimmi atuisartut 80 %-iisa sapaatip akunneranut ataasiarluni sungiusartarnermi peqataasarnissaat.

Illoqarfinni nunaqarfinnilu ataasiakkaani utoqqalinersiallit siusinaartumillu pensionisiallit 33 %-ii "Aalagit imminut paarigit" pillugu aaqquissuussinerni peqataasimanissaat.

Siunissami suliniutissat

Kommunimi illoqarfinni nunaqarfinnilu allani sulinermtut atatillugu angalanerni periarfissat pisariaqartitallu qulaajarneqassapput.

- 2017 marsi: Tasiilaq nunaqarfiilu
- 2017 aprili: Kapisillit
- 2017 aprili: Qeqertarsuatsiaat

- 2017 oktobari: Paamiut
- 2017 oktobari: Arsuk
- 2017 novembari: Ittoqqortoormiit

Nuummi qaqqaliartitsineq

Suliniutit aallartinneqartut

2016-imi aggustimi Nuummi utoqqaat qaqqaliartinneqarput. Tassani siunertaavoq Nuummi utoqqaat asiartillugit misigisaqartinneqarnissaat - qaqqamut immamullu qanittumut. Aamma timip aalatinnissaa periarfissartinneqarpoq, inunnik naapitaqarnissamut periarfissiilluni, namminnerlu kajumissutsiminnik suleqataajumasorpasuarunik pissarsisoqarluni. Aaqquissuussineq kikkunnut tamanut ammatinneqarpoq, nammineersinnaagaanni, angerlarsimaffimmi ikiorteqaraanni imaluunniit utoqqaat angerlarsimaffianni najugaqaraanni. 75-it missaat peqataapput, namminnerlu kajumissutsiminnik peqataasut 30-it missaanniillutik, Nuummilu qaqqaliartitsisarnerup ukiumut ataasiarluni pisarnissaa anguniarneqarpoq.

Tasiilami Paamiunilu 2017-imi assinganik qaqqaliartitsisoqartarsinnaanersoq misissorneqassaaq.

Naluttarfik Malimmi imermi sungiusarneq

Suliniutit aallartinneqartut

Imermi sungiusarnermi Nuummi utoqqalinersiallit siusinaartumillu pensionisiallit eqqarsaatigineqarput. Tassani siunertarineqarsimavoq, sullitassat naluttarfimmi sungiusartittarnissaat, aammalu sullitassat naluttarfimmut ulluinnarni nal. 12.00 matunissaatalu akornanni akeqanngitsumik isersinnaatitaammata erseqqissaatiginarlugu.

Sungiusarnermi kissasserneq kingornagullu sungiusagassat 12-it ilitersuutigineqartarput, timip aalatinnissaanut naggussallu anginerit nukittorsarnissaanullu tunngasut. Sapaatip akunneranut marloriarluni akunneq ataaseq ilitersuisoqartarpoq, qaammat ataaseq sinnerlugu, imaappoq arfineq pingasoriarluni sungiusartitsisoqartarluni. Taamaalillutik peqataasut timimik sungiusaasoq peqatigalugu sungiusartarput, sungiussiartornissarlu anguniarneqartarpoq. Taava sungiusaatissat masannaveeqquserlugit naluttarfimmut inissinneqarput, taamaalillutik innuttaasut namminneq sungiusaatissatik atorniartarniassammatigit, nammineerlutillu periarfissaqaleraangamik sungiusartarlutik.

Utoqqarnut timigissarneq

Utoqqarnut timigissarnermi innuttaasut pikkunartumik sungiusarsinnaalissapput, timersornermi akunnattumik imaluunniit pikkunarnerusumik sungiusartarnissamut innersuussutaasut naligalugit. Taamaalilluni suliniummi nappaatit inooriaatsimit pinngortut pinaveersaartinneqassapput, innuttaasullu ataasiakkaat timimik atuisinnaassusiat patajaallisarlugu annertusarneqassaaq. Taamaalillutik innuttaasut ataasiakkaat nammineersinnaasunngornissaannut angerlarsimaffimminnilu eqeersimaarnerulernissaannut ikorfartorneqassapput.

Suliniuteqarnissami anguniagaavoq:

Illoqarfinni nunaqarfinnilu ataasiakkaani utoqqalinersiallit siusinaartumillu pensinisiallit 33%-ii suliniummut atatillugu aaqquissuussinerni peqataasarnissaat.

Suliniutit aallartinneqartut

- 2016 oktobari: Suliniut Paamiuni aallartinneqarpoq. Suliniut 4 x 1½ aamma 1 x 2 timigissartarfimmi sungiusaatit atorlugit ingerlanneqartarpoq, kingornagullu nukkassarluni eqaarsaarnermillu sungiusartoqartarluni, innuttaasut ataasiakkaat kingornagut namminneerlutik ilitsersuut atorlugu sungiusartarsinnaallutik, sungiusarnissamullu najoqqutassat taakku siunissami timigissartarfimmiitinneqassapput.
- 2016 novembari: Ittoqqortoormiini utoqqaat taamatukanneq aamma neqeroorfigineqarput. Timigissartarfimmi sapaatip akunneranut marloriarluni x akunneq ataaseq. Suliniut ingerlanneqartarpoq timimik sungiusaasut sulinerminnut atatillugu angalanerini. Sungiusartarneq malinnaaffigineqassaaq, ukiumoortumillu sulinermut atatillugu angalasarnermut atatillugu ineriartortinneqassalluni.
-
- 2016 oktobari: suliniut Paamiuni sapaatip akunnerani 40-mi aanna 41-mi aallartinneqarpoq.
-
- 2016 novembari: Ittoqqortoormiini utoqqaat taamatukanneq aamma neqeroorfigineqarput.

Siunissami suliniutissat

Kommunip illoqarfiini nunaqarfiinilu allani pinaveersaartitsinissaq siunertaralugu ukiumut ataasiarluni sulinermut atatillugu angalanermi tulleriiaarluni imatut ingerlanneqartassaaq:

- 2017 marsi: Tasiilaq nunaqarfiilu
- 2017 aprili: Kapisillit
- 2017 aprili: Qeqertarsuatsiaat
- 2017 oktobari: Arsuk

Suliniut 2017-ip naalernerani nalilersuiffigineqassaaq.

Unnukkut paasissutissiisarnert

Unnukkut paasissutissiisarnerni assersuutigalugu ukioqqortusinermi allannguutit, inuunerup nassatarisaanik nappaatit, anniaatit, timi atorlugu sulineq, taamaalillutik innuttaasut ataasiakkaat ilisimasaqarnerulerniassammata, taamaalillutillu namminneq inuunerminnik akisussaaffeqalerlutik. Aammalu ilisimasaqarnerulernikkut ataasiakkaat naak pitsorlutsissimagaluarlutik anniaateqartaraluarlutillu timiminnik aalatitsinerulernissamik kajumissuseqalersinneqarsinnaapput. Taamaalilluni suliniummi nammineersinnaassuseqarluni eqeersimaarlunilu utoqqaanissamut toqqamaviliisoqarnissaanut ikorfartueqataassaaq.

Suliniutit aallartinneqartut

2016 novembari: Suliniut Nuummi sammisassaqtitsivimmi Pilutami aallartinneqarpoq.

Siunissami suliniutissat

Kommunimi illoqarfinni nunaqarfinnilu allani atuutilersitsinissamik pilersaarut. Unnukkut paasissutissiisarnissat timimik sungiusaasut sulinerminnut atatillugu angalanerinit atatillugu imatut ingerlanneqartassapput:

- 2017 marsi: Tasiilaq nunaqarfiilu
- 2017 aprili: Kapisillit
- 2017 aprili: Qeqertarsuatsiaat
- 2017 oktobari: Paamiut
- 2017 oktobari: Arsuk

- 2017 novembari: Ittoqqortoormiit

Anguniarneqartoq tassaavoq, illoqarfinni tamani ukiumut ataasiarluni unnukkut paasissutissiisoqartarnissaa.

Assartuussineq

Siunissami suliniutissat

Utoqqarnik biiliussisartussamik pisariaqartitsisoqarnerseq misissoqqissaarneqassaaq, periarfissatullu allattorsimaffinnut allaaserineqassalluni. Tassani aamma nammineq kajumissuseq tunngavigalugu suleqataajumasut, inunnik sullissinermik nuannarisaqartut eqqarsaatigineqarsinnaapput, kommunillu suliaassartai suliaralugit. "Nammineq kajumissutsimik suleqataajumanek"-mut tunngasuni erseqqinnerusumik paasisaqarit.

SIUSSISUKKUT PAASISANIK ATULERSITSINEQ

Pitsaaliuilluni sulisinnaajumalluni pisariaqartitat siussisukkut suussuserneqarnissaat pingaaruteqarpoq. Taamaalluni inooriaatsip malitsigisaanik nappaatit, ataavartumik innarluutit aamma utoqqaat siussisukkut napparsimmavinnut unitsinneqartarnissaat pinngitsoortinneqarsinnaapput. Kommunip immikkoortukkuutaanut allattuivik suliarinikuuaa, taannalu angerlarsimaffimmi ikiortit innuttaasumut suliaartoraangamik eqqumaffigisassavaat. Innuttaasumut tunngasunik allannguuteqartoqarsimappat immikkoortumi aqutsisoq ilisimatinneqassaaq. Kommuneqarfik Sermersuumi angerlarsimaffimmi ikiortinut tamanut allattuiffiit tunniunneqarput, kortillu atorneri 2017-iminalilersorneqassapput.

4. KAJUMISSUTSIMIK SULINIARNEQ

Inuiaqatigiit katitigaanerisa allanngoriartorneranni utoqqaat amerliartorfianni, utoqqarnut tunngasuni kajumissutsiminnik suleqataajumasut pingaaruteqartuaannassapput, utoqqaat inuiaqatigiinni peqataanerulernissaanut qulakkeeriniarnermut. Kommunimi sulisut killeqarput, sullissinerillu tulleriissaariffiusussat, innuttaasut pisariaqartitaannut tamatigut naapertuunneq ajorput.

Utoqqarpassuit inuttut attaveqaatissaminnik ujartuisarput, tamakkulu kommunip susassaqrifiini aaqqiivigineqarsinnaanngillat. Matumani pingaartuuvog Kommuneqarfik Sermersuup qanigisaasunik allanillu qanimut attuumassuteqartunik kajumissaariuartarnissaa, taakkuummata inuiaqatigiinni utoqqaat ataqqinartumik inuuneqaannarnissaannik qulakkeerinneqataasussat. Kajumissutsiminnik suleqataasartunut tunngatillugu anguniagalimmik suliniuteqarneq utoqqaat pisariaqartitaannik matussusiinissamut atugassaqrartitsilissaaq, inuiaqatigiinnilu nukiit pitsaanerpaamik tapertaalluarsinnaapput.

Immikkoortumut pilersaarutit immikkoortuata aappaani, ineriartortitsinissamut suliniutissat makkua suussusersineqarput:

- *Kajumissutsimik suliaqartunut ataqatigiissaarisog*
- *Suleqatigiinnissamut periusissaq*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

NAMMINEQ PIUMASSUSEQ		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- Nuummi qaqqaliartitsineq, 2016. Nuummi qaqqaliartitsineq Paamiuni utoqqaat illuanni najugallit asiartinneqarnerannit isumassarsiaavoq.	- Tamanut Kiffartuussivik peqatigalugu suleqatigiinnissamut periusissaliornissaq - Nuummi qaqqaliartitsisarneq ukiut tamaasa aaqqissuunneqartassaaq - Tasiilami Paamiunilu qaqqaliartitsisarinnissamut periarfissat 2017-imi misissorneqassapput	- Politikikkut aalajangerneqarnikuuvoq, kajumissutsiminnik suleqataajumasut ataqatigiissarneqarnissaat Tamanut Kiffartuussivimmi inissisimassasoq

KAJUMISSUTSIMINNIK SULISARTUNIK ATAQATIGIISAAARISOQ

Suliniutit allatut atuutilersinneqartut

Utoqqarnut tunngasuni kajumissutsiminnik suleqataajumasut nukittorsarniarlugit, kajumissutsiminnik suleqataajumasartunik ataqatigiissaarisumik atorfinitsitsisoqarnissaa siunnersuutigineqarpoq, taamaasillutik kommunimi kajumissutsiminnik suleqataajumasut utoqqarnut tunngasunut pitsaanerpaamik atorluarneqarniassammata.

2017-imut missingersuusiornermut atatillugu kajumissutsiminnik suleqataajumasunut ataqatigiissaarisumik atorfinitsitsisoqarnissaanut aningaasanik nassartoqanngilaq.

Kajumissutsiminnik suleqataajumasartut utoqqarnut tunngasunut peqataatinneqarnissaat kissaatigiuaannarneqarpoq, kisianni politikikkut aalajangerneqarnikuuvoq, ataqatigiissaarineq Tamanut Kiffartuussivimmit ingerlanneqassasoq. Ineriartortitsinissamut suliniutissat, immikkoortup aappaanni allaaserineqartut ilarpassui, kajumissutsiminnik suleqataajumasut ataqatigiissaarisuannut sapaatip akunneranut akunnerni 20-ini sulisartussamut tunngatinneqarput, suliniutinik assigiinngitsunik ataqatigiissaarisussaagaluumat.

SULEQATIGIINNISSAMUT PERIUSISSAQ

Siunissami suliniutissat

Tamanut Kiffartuussivik suleqatigalugu suleqatigiinnissamut periusissaq suliarineqassaaq, tassanilu kajumissutsimik suleqataanermut attuumassuteqartut allaaserineqassapput. Tamanut Kiffartuussivimmi aamma suliffimmi suliaassat kajumissutsimillu suleqataajumasut suliaassat

pillugit killiliussanik ilitersuisassapput, kajumissutsimik suleqataajumasunut politikkimi tamakkua pillugit ersarissumik nalunaarutigineqarsimatinnagit.

2017-ip aallartinnerani Isumaginninnermut, Suliffeqarnermut Inuussutissarsiornermullu Ingerlatsiviup Tamanullu Kiffartuussiviup akornanni ataqatigiissarineq aallartinneqassaaq, kajumissutsiminnik suleqataajumasartunik pilersitsinissaq pillugu qanoq suleqatigiittoqarsinnaanersoq nassuiaatitallersorniarlugu. Kajumissutsiminnik suleqataajumasartussanik pilersitsinissamut periarfissat makkunani siunnersuusiortfigineqarput:

Pulaartartut

Kajumissutsiminnik suleqataajumasunik arlalinnik pilersitsisoqarsinnaavoq, utoqqarnut namminneq angerlarsimaffiminni najugalinnut imaluunniit utoqqat angerlarsimaffiini najugalinnut pulaartartussanik. Tamanut Kiffartuussivimmi kajumissutsiminik suleqataajumasut akornanni utoqqaat ilaannut naleqqussaasinnaavoq, kajumissutsiminnillu suleqataajumasut aaqqissuussineq pillugit ilitersorlugit - tassunga ilanngullugu nipangiuussisussaataaeranut, pisussaaffinnut piginnaatitaaffinnut il.il. tunngasut pillugit.

Utoqqarnik pisuttuaqateqartarneq

Kajumissutsiminnik suleqataajumasut arlallit utoqqarnik namminneq pisussinnaanngitsunik, pisiniarneranni, nujalerisuliarneranni, aningaaseriviliarneranni - imaluunniit aneerusunneranni ingiaqateqartarsinnaasut.

Bussiussisartut ikinngutaat

Kajumissutsiminnik suleqataajumasut arlallit, innarluutilinnut bussimik ingerlatitsinermik ilinniartinneqarsinnaasut, taamaalillutik qaammammut marloriarlutik Nuummi utoqqaat, utoqqaat angerlarsimaffiini najugallit bussimik angallattarniassammatigit. Aamma qaammammut marloriarluni Katuamut, isiginnaartitsisarfirmut assigisaannulluunniit angallassisarnissamik aaqqissuussisoqartarsinnaavoq.

Utoqqaat angerlarsimaffiini qaammammut ataasiarluni kaffillertarnerit.

Utoqqaat angerlarsimaffiini najugallit sammisassaqtinniarlugit, najugallit ulluinnarni imaqluortumik sammisassaqtinneqarnissaannut kajumissutsiminnik suleqataajumasartut annertunerusumik ikiortigisarnissaat eqqarsaatigineqartariaqarpoq. Aallaqqaammut kajumissutsiminnik suleqataajumasartut suleqatigiiffiannik pilersitsisoqarsinnaavoq, qaammammut sapaammi siullermi utoqqaat angerlarsimaffianni ataatsimi kaffillertartunik.

Nuummi qaqqaliartitsineq

Ingerlatsivik 2016-imi aggustimi Nuummi qaqqaliartitsinermik aaqqissuussivoq. Ullormi tassani siunertarineqarpoqinnuttaasut utoqqaat pinngortitami nuannersumik misigisaqtinneqarnissaat. Nuummi qaqqaliartitsisarneq Tamanut Kiffartuussivik suleqatigalugu ukiut tamaasa



ingerlanneqartassaaq .

5. PUIGORTUNNGORTUNUT SULINIUTEQARNEQ

Kommuunitsinni innuttaasut puigortunngornermik eqqugaasut amerlanerujartuinnarput. Innuttaasut puigortunngorsimasut kommunimit tamakkiisumik sullinneqassappata, puigortunngornermut tunngasuni suliniutit annertusarneqarlutillu pitsanngorsarneqartariaqarput. Innuttaasut puigortunngorsimasut sapinngisamik sivisunerpaamik eqeersimaartumik siunertaqarluartumillu inuuneqarnissaat pillugu kommunip suliniuteqarnissaa pingaaruteqarpoq.

Immikkoortumut pilersaarutit immikkoortuata aappaani, ineriartortitsinissamut suliniutissat makkua suussusersineqarput:

- *Puigortunngornermut tunngasuni sulisussaqaarneq*
- *Piginnaasatigut qaffassaaneq*
- *Isumaginninnermi teknologii*
- *Sammisassatut neqeroorutit*
- *Peqataatitsineq ingerlatitseqqinnerlu*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

PUIGORTUNNGORTUNUT SULINIUTEQARNEQ		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- Novembarip aallaqqaataani 2016-imi puigortunngortunut ataqatigiissaarsumik atorfinitsitsisoqaqqippoq, maannalu atorfeqartut marlunngorput. - 2016-imi sulisut nutaat puigortunngortarneq pillugu saqqummiussiffigineqarput, tamannalu 2017-imi nangeqqinneqassaaq. - 2015-imi innuttaasunut isumaginninnermi teknoligiinik assigiinngitsuni pisinissamut 2 mio kr-nik aningaasaliissuteqartoqarpoq, tamakkulu atuutilersikkiartuaarneqarput - Puigortunngorsimasunut café qammammut	- Sulisunik puigortunngortunik suliaqartunik pissaanermillu atuineq pillugu ilinniartitsineq, 2017. Nuup avataani illoqarfinni taamatut ilinniartitsisarneq sulinermit atatillugu angalasoqarnerani ingerlanneqartarpoq - Puigortunngortunut iluaqusersuutitut allattorsimaffiliorneq, 2017-imi februaarimi piareernissaa naatsorsuutigineqarpoq - Innuttaasut puigortunngorsimasut Nuummi ornittagassaannik pilersitsineq, 2018-ip qiteqqunnerani politikkikkut suliarineqassaaq - Tasiilami Paamiunilu	

ataasiarluni, 2016 - Puigortunngortarneq pillugu kalaallisut paasissutissanik quppersagaaraliorneq, 2016 - "Puigortunngorsimasut ilaqutaannut" sianerfissamik pilersitsineq, puigortunngortarneq pillugu paasissutissiiffiusinnaasoq	innuttaasut puigortunngorsimasut ornittagassaannik pisariaqartitsisoqarneranik misissuineq, 2017 - Puigortunngorsimasunik eqaarsaartitsisarneq timigissartitsisarnerlu, 2017-imi upernaakkut pillorissaasut timimillu sungiusaasut aallartissavaat - Nuummi Puigortunngorsimasunut café ingerlateqqinneqassaaq, illoqarfinnilu allani angalanermut atatillugu ingerlanneqartassaaq, 2017 - Puigortunngortunut caféqartitsisarneq pillugu radiukkut paasissutissiineq, 2017 - Puigortunngortunik sullissisunut ABC, Qarasaasiakkut ilinniarneq sukkassuseq nammineq aalajangerlugu periarfissatut misissorneqassaaq, 2017	
--	--	--

PUIGORTUNNGORNERMUT TUNNGASUNI SULISUSSAQARNEQ

Suliniutit aallartinneqartut

Puiguttortunut ataqatigiissaarisooq

Puigortunngornermik nappaateqartut amerliartuinnarnerat eqqarsaatigalugu puigortunngornermut tunngasunik suliaqartussanik amerlanerusunik pisariaqartitsisoqarpoq. Novembarip aallaqqaataani 2016 puigortunngorsimasunut ataqatigiissaarisumik atorfinitsitsisoqaaqqippoq. Sulisup ilanissaanut pingaarnertut toqqammavigineqarpoq, saqquminerulernissamik, puigortunngorsimasunut cafémik pilersitsinissaq aammalu innuttaasut puigortunngornermik eqqugaasimasut qanigisaasalu ikorfartorneqarnissaannik kissaateqarneq. Aammalu sulisup ilaneranut tunngatillugu puigortunngortunik suliallit pikkorissartinneqarnissaat iluaquserneqassaaq. Sulisut ilanerisigut ukiumut marloriarluni sinerissamut angalasarnissamut piareersartoqalissaaq.

PIGINNAASATIGUT QAFFASSAANEQ

Suliniutit aallartinneqartut

Sulisunut nutaanut ilisaritsineq.

Puigortunngortarneq pillugu ilinniartitsineq Nuummi aalajangersimasumik aaqqissuussiffigineqartussatut pilersaarutigineqarpoq, tassanilu ataqatigiissaarisut sulisunut tamakkuninnga suliaqartunik qaammammumt marloriarlutik ilinniartitsisassapput. Illoqarfinni nunaqarfinnilu allani ilinniartitsineq ukiumut marloriarluni suliamut atatillugu angalasoqarneranut atatillugu ingerlanneqartassaaq. Puigortunngornermut atatillugu nappaatinik ilisimasassat saniatigut pissaanermik atuineq pillugu ilinniartitsisoqartassaaq.

ISUMAGINNINNERMI TEKNOLOGII

Ineriartorneq taama itsillugu, utoqqaat amerliartortillugit isumaginninnermut teknologiimik pisariaqartitsineq annertusiartorpoq. Isumaginninnermut teknologiimik atortorissaarutit utoqqarnik puigortunngorsimasunillu iluaqusiissapput, tassuuna imminut ikiorsinnaanerunissaq annertusineqassalluni.

Suliniutit aallartinneqartut

Taamaattumik 2015-imiit isumaginninnermut teknologiimik pisiortornissanut aningaasaliissuteqartoqarpoq, piginnaasassatut nalilersuutigineqartut aallaavigalugit:

- Innuttaasup ulluinnarni imminut ikiernerulernissaanut ikiornissaa
- Sulisut sulineranni oqilisaanneqarnissaat, sullivimmilu avatangiisit peqqinnartut naleqquttullu qulakkeerlugit
- Ungasinnerusoq eqqarsaatigalugu Kommuneqarfik Sermersuumut sipaarutaanissaq
- Innuttaasunut qanigisaasunullu sillimaniarneq toqqissisimanerlu annertusineqassasut

2015-imi isumaginninnermut teknologiinik assigiinngitsunik, Utoqqarnik Isumassuiffiup ataaniittunut pisiortornissamut 2 mio kr-nik aningaasaliissuteqartoqarpoq. 2016-imi isumaginninnermut teknologiinik pisiortoqqinnissamut atugassanik 1 mio kr-ngajannik aningaasaliissuteqartoqarpoq.

Siunissami suliniutissat

Ingerlatsivik puigortunngorsimasunut iluaqusersuutissanut allattorsimaffimmik suliaqaleruttorpoq, taannalu 2017-imi februaarimi piareertussatut naatsorsuutigineqarpoq.

Sulisunut nutaanut ilisaritsineq.

Puigortunngortarneq pillugu pissaanermillu atuineq pillugu aalajangersimasumik Nuummi ilinniartitsisarnissaq pilersaarutaavoq, taakkunani puigortunngorsimasunut ataqatigiissaarisut qaammatikkaartumik ilinniartitsisassapput. Illoqarfinni nunaqarfinnilu allani ilinniartitsineq ukiumut marloriarluni suliamut atatillugu angalasoqarneranut atatillugu ingerlanneqartassaaq.

SAMMISASSATUT NEQEROORUTIT

Suliniutit aallartinneqartut

Puiguttortunut café

17. 17. juuli 2016 Nuummi puigortunngorsimasunut angerlarsimaffimminni najugalinnut qanigisaasunullu, kajumissutsiminnik suleqataasartunut allanullu soqutiginnittunut café aallartinneqarpoq. Cafeqartitsisarnermi siunertarineqarpoq, puigortunngorsimasunik aamma/imaluunniit ilaqaataasunik inissaqartitsinissaq peqateqartitsisarnissarluni, kiisalu

attaveqatigisartagassanik pilersitsinissaq nutaanillu ilisimasaqalersitsinissaq. Demenscafé puigortunngorsimasunut ataqatigiissarisunit aqunneqarpoq, kisianni januaari 2017-imiit café kajumissutsiminnik suleqataasartut ikiorsiullugit ingerlanneqalernissaa neriuutigineqarpoq.

Siunissami suliniutissat

Puiguttortunut café

Café Nuummi 2017-imi ingerlateqqinneqassaaq, illoqarfinnilu allani suliamut atatillugu angalasoqarneranut atatillugu puigortunngortunut caféqartitsisoqartassaaq.

Nuummi puigortunngornermik nappaatilinnut ornittagaq

Innuttaasunut puigortunngornermik nappaateqalersimasunut ornittagaqalernissaa 2018-ip aallartisimalernerani politikkikkut oqaluuserineqassaaq. Ullumikkut Utoqqaat Illuanni ulluklut angerlarsimaffik aqqaneq marlunnut inissaqarpoq. Init taakkua puigortunngorsimasunut, kingusissukkullu qaratsakkut ajoqusersimaneq pissutigalugu annertuumik eqqugaasimasunut ulluklut ornittaganngortinneqassapput. Init allanngortinneqassapput, taamaasillutik ulluklut angerlarsimaffiup maannakkut initai angerlarsimaffippalaartunngorlugit allanngortinneqassapput, eqqissisimaartarfilerlugit, nerrivilerlugit, ulluinnarnilu suliarisartakkanut naleqquttunik igaffilerlugit. Tulleriissaarisartut Utoqqaat Illuannut tulleriissaarisarnissaat pilersaarutaavoq.

Tasiilami Paamiunilu innuttaasut puigortunngornermik nappaatillit ornittagassaat

Innuttaasut puigortunngornermik nappaateqalersimasut ornittagassaanik pisariaqartitsisoqarnerisooq 2017-ip ingerlanerani misissorneqassaaq. Misissuineq pisariaqartitsisoqarneranik misissueqqissaarinertut suliarineqassaaq.

Eqaarsaarneq sungiusarnerlu

Timi atorlugu eqaarsaartarnikkut puigortunngornermik nappaateqalernissamut kigaallassaataasarpooq. Taamaattumik eqaarsaarneq sungiusarnerlu puigortunngortunik suliaqarnermi ineriartortitassatut pingaaruteqarpoq. Sungiusartitsisarnissami anguniarneqartut tassaaginnangilaq pitsorissutsimik, aalasinnaanermik, aap ingerlaarneranik eqaassusermillu ingerlatsiinnarnissaaq, kisiannili aamma inaassutsimik misigissuseqarneq ikorfartorniarneqarpoq. Ineriartortitsinissamik suliniut 2017-imi Nuummi puigortunngortunut immikkoortumi Tikitaq-mi aallartinneqassaaq. Pilersaarutigineqarpoq, sungiusarnerit 1-2 timimik sungiusaasulerluni ingerlanneqartalernissaat. Sungiusarneq inini pioreersuni ingerlanneqartassaaq. Sulisut, timi atorlugu sungiusaallaqqissut najugaqartunik atuisunillu sungiusaasalernissaannut ilitsersorneqassapput.

PEQATAATITSINEQ INGERLATITSEQQINNERLU

Suliniutit aallartinneqartut

Puigortunngorneq pillugu quppersagaq kalaallisooq

Puigortunngornermik nappaateqartoqalersillugu qanigisaasut piaartumik peqataatinneqartarnissaat pingaaruteqarpoq, ilisimatitsisarneq, paasissutissiisarneq, nappaatip ingerlanera pillugu siunnersuineq sammisassanillu peqataatitsineq aqqutigalugit. Kalaallisut paasissutissiisarnissaaq amigaatigineqarnikummat, Alzheimerforeningen suleqatigalugu 2016 puigortunngortarneq pillugu quppersakkat 6-iliugallartut 2016-imi kalaallisuunngortinneqarput. "Eqqumaffigisassat 10-t", "puiguttorneq suua" "Alzheimer", "vaskulærdemens", "lewy body" aamma "frontotemporal demens".

Puigortunngortunut caféqartitsisarneq pillugu paasissutissiineq

2016-imi juulimili Nuuk Ugeaviisikkut kommunip puigortunngortunut caféqartitsisarneq nalunaarutigisalerpaa. 2016-imi decembarimi nalunaarummi aamma puigortunngortarneq pillugu

oqarasuaatikkut saaffiginnittoqartarsinnaanera nalunaarutigineqarpoq. Suliniutit marluk nalunaarutigineqartarneri 2017-imi nangeqqinneqassaaq.

Puigortunngortarneq pillugu oqarasuaatikkut attaveqaat

Puigortunngortarneq pillugu oqarasuaatikkut sapaatip akunneranut marloriarluni attaveqartarnissaq periarfissanngortinneqarpoq, tassunga puigortunngorsimasunut qanigisaasut puigortunngortunut ataqatigiissaarisunik attaveqarsinnaanngorput, apequtissaqarunik imaluunniit nappaat iluaqusersuutaasulluunniit pillugit paasisaqarusukkunik attaveqarfigisinnaasaannik.

Siunissami suliniutissat

Puigortunngortunik sullissisunut ABC, Qarasaasiakkut ilinniarneq sukkassuseq nammineq aalajangerlugu

Nittartagaq kalaallisuunngortinneqarsinnaanersoq Ingerlatsiviup misissorpaa ”ABC demens E-learning i eget tempo”. Nittartagaq puigortunngorsimasunik sullissisunut, paaqutarinninnermik isumassuinnermillu suliaqartunut akeqanngitsumik qarasaasiakkut pikkorissartarfiuvoq.

Puigortunngortunut caféqartitsisarneq pillugu paasissutissiineq

Januaari 2017-imi puigortunngorsimasunut café pillugu raadiukkut ussassaaruteqartoqartassaaq.

6. NAJUGAQARIAATSIT NUTAAT & TIKIKKUMINASSUSEQ

Inuiaqatigiit agguataarnerisa allanngoriartornera eqqarsaatigalugu aammalu utoqqaat namminneq angerlarsimaffimminni sapinngisamik sivisunerpaamik najugaqarnissaannut pisariaqartitsinerat eqqarsaatigalugu, ulloq unnuarlu paaqqinnittarfimmut siusippallaamik innersuussinani, nutaanik najugaqarfissanik pisariaqartitsisoqarnera eqqarsaatigineqartariaqarpoq. Nutaanik najugaqariaaseqarnissamik suliniutit samminerini, utoqqaat sapinngisamik sivisunerpaamik namminneq angerlarsimaffimminni najugaqarlutik nammineernissaannut periarfissaqartillugit, nammineq angerlarsimaffigisami pitsaanerusunik sinaakkuteqarnissaq atugaqarnissarlu qulakkeerniarlugit, nutaanik najugaqariaaseqartoqalernissaa pilersinneqassasoq kissaatigineqarluni.

Immikkoortumut pilersaarutip immikkoortuata aappaani, ineriartortitsinissamut suliniutissat makkua suussusersineqarput:

- *Najugaqariaatsit nutaat utoqqarnut*
- *Utoqqarnut suliaqarfimmi inissianut piumasaqaatit allattorsimanissai suliarineqassasut*
- *Kikkulluunniit ornittagaasa tikikkuminartuunissaat*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

NAJUGAQARIAATSIT NUTAAT & TIKIKKUMINASSUSEQ

SULINIUTIT

SIUNISSAMI

ALLATUT ILIORLUNI

<i>AALLARTINNEQARTUT</i>	<i>SULINIUTISSAT</i>	<i>ATUUTILERSITSINEQ</i>
- Utoqqarnut inunnullu innarluutilinnut naleqquttunik inissialiornissamut siunnersuutit pillugit quppersagaq -	- Utoqqarnut naleqquttunik inissialiorneq - - Pitsorluttunut naleqquttunik inissialiortiternissamut Iserit suleqatigalugu misissuineq, 2017	- Illoqarfimmik pilersaarusiornermut periusissiaq

UTOQQARNUT NAJUGAQARIAATSIT NUTAAT

Siunissami suliniutissat

Utoqqarnut inissialiortiterneq

Kommuneqarfik Sermersuumi sumiiffinni arlalinni utoqqarnut naleqquttunik inissialiortiternissaq pisariaqartinneqaqaaq. Ingerlatsiviup siunnersuutiginiuuuaa, kommune Nuummi utoqqarnut inissialianik uiguleriiaanik sanatitsilluni aallartissasoq. Siunissami nutaanik sanaartortoqarnissaanut pilersaarutini utoqqarnut naleqquttunik inissialiortoqartarnissaa kommunip qitiutissavaa. Ukiumi missingersuusiorfiussami tulliuttumi 2018-imi utoqqarnut naleqquttunik inissialiortoqarnissaanut aningaasaliffigineqarnissamik qinnuteqaateqartoqassaaq.

UTOQQARNUT SULIASSAQARFIMMI INISSIANUT PIUMASAQAATIT ALLATTORSIMANISSAI SULIARINEQASSASUT

Suliniutit aallartinneqartut

Utoqqarnut inunnullu innarluutilinnut naleqquttunik inissialiornissamut siunnersuutit pillugit quppersagaq

2016-imi utoqqarnut inunnullu innarluutilinnut naleqquttunik nutaanik inissialiornissamut siunnersuutit/piumasaqaatitullu nassuiaatit pillugit quppersagaliortoqarnikuuvoq.

KIKKULLUUNNIIT ORNITTAGAANNI TIKIKKUMINARTUUTITSINISSAQ

Suliniutit aallartinneqartut

Illoqarfiup pilersaarusiornissaanut periusissiaq

Nuummi Nuussuarmilu illoqarfiup pilersaarusiornissaanut periusissaliortoqarnikuuvoq, illoqarfiup eqiterunnissaa sulissutigineqarluni. Isumaginninnermut, Suliffeqarnermut



Inuussutissarsiornermullu Ingerlatsiviup siunnersuutigaa, utoqqarnut inunnnullu innarluutilinnut nutaamik inissialiortit qitiusumut inissinneqartassasut, immikkoortut aappaanni allaaserisag naapertorlugu pisiniarfinnut, aningaaserivimmullu qanittuni.

Pitsorluttunut naleqquttunik inissialiornissamut misissuineq

Utoqqaat imaluunniit pitsorluttut amerliartuinnartut namminneq angerlarsimaffimminni najugaqarsinnaaneri pitsaasuvoq, peqatigitilluguli pitsorluttunut naleqquttunik tikikkuminartunik inissialiortiternissamut kommunip suliniuteqarnissaanut tatisimannilersitsilluni. Inissiat tikikkuminartuunissaannut tunngatillugu ullumikkut ataasiakkaanut naleqquttunik sanasoqartarpoq, innuttaasog najukkaminut qamutitut kaassuartakkanut aqutissamik qinnuteqaateqaraangat.

Suliassartai eqqarsaatigalugit imaattarpoq, malittarisassat atuuttut naapertorlugit innuttaasog inini allerni inissiamut utaqquisut allattorsimaffiannut allatsittarpoq, taavalu inissiamik piareersimasogaleraangat, pineqartoq ullualunnguit ingerlaneranni inissiamut nuukkusunnerluni nuukkusunnginnerluniluunniit nalunaaruteqaqquneqartarluni. Kisianni inini allerni inissiaq tallimanik tummeqqiveqarsinnaasarmat, inissiamik allannguuteqartitsinissag innuttaasup qinnuteqaatigisariaqartarpaa, innuttaasog rollatoreqarpat kivissinnaangisaminik imaluunniit kaassuartakkamik qamuteqarpat taakkununga aqutissamik.

Qamutitut aqutissamik qinnuteqarnermi suliamik ingerlatsinermi siullermik innuttaasup inissiami allannguuteqaatissamik qinnuteqarneranut pisariaqartitaa inatsisit naapertorlugit suliamik saqqummiussissummik suliaqartariaqarpoq, oqartussa qarfiit assigiinngitsut akornanni attaveqarnerit, soorlu nunaminertamik atuinnissamut tunngasut, aammalu sanasumut suliassamut neqerooruteqartitsinerit. Innuttaasog ullualunnguinaat ingerlaneranni inissiamut nuukkusunnerluni nuukkusunnginnerluniluunniit akissuteqartariaqarmat, assakaasulinnut aqutissamik qinnuteqaatip suliarinera ilanngullugu piffissakippallaarpoq. Taamaattumik innuttaasog inissiamut nuunnissamik neqeroorut itigartittariaqarpaa imaluunniit inissiamut, innuttaasumit tikkineqarsinnaaneranik nalorninartulimmut nuunnissani akueralugu.

Tamanna tunngavigalugu Isumaginninnermut, Suliffeqarnermut Inuussutissarsiornermullu Ingerlatsiviup kissaatigaa Iserit suleqatigalugu, innuttaasunut pitsorlutsissimasunut inissiat naleqquttut inini allerniittut kommunimi sumiinnertut misissuinissami pimoorussissasugut. Tamatuma saniatigut inini allerni inissiani iluaqutaasumik inissiarpassuarni naliigissumik ataatsimoorussamik aaqqiissuteqartoqarsinnaanersoq misissorneqarumavoq - imaappoq inissiarsumut ataatsimut assakaasulinnut aqquutiliorluni. Eqqarsaatissaqqissut ilagaat, inissiat ataatsimoorussamik assakaasulinnut aqquutiliorneqartut, pisiniartarfinnut bussillu unittarfiinut qanittumiissasut.

Illoqarfinni tamanna aaqqiissutissatut qulaajaaffigineqareerpat, suliassap pilersarusiorneqarnissaanut aningaasanik noqqaassuteqartoqassaaq, taamaasilluni qanorpiaq akeqassanersoq saqqummiunneqarniassammat.

7. UTOQQAAT ANGERLARSIMAFFIINI INISSAT AMERLASSUSAAT

Kommunimi utoqqaat ukioqqortusiartornerat ilutigalugu innuttaasunik utoqqarnik paarisariaqartunut inissat amerlineqartariaqarput. Taamaalilluni paaqqutarinninnerit paaqqutarisariaqartut inissaannik imminnut nammassinnaasunik tamatigoortunillu innuttaasunik utoqqaanerunit angerlarsimaffimmiinniissinnaajunnaarsimasunut najugaqarfigineqarsinnaasunik qulakkeerinninnissag siunertaavoq.

Immikkoortumut pilersaarutit immikkoortuata aappaani, ineriartortitsinissamut suliniutissat makkua suussusersineqarput:

- *Sivisunerusumik ulloq unnuarlu paaqqutarinnittarfimmiinnissat pitsaaliorlugit*
- *Ulloq unnuarlu paaqqutarinnittarfinni naammassisaqarsinnaassutsit annertusillugit*
- *Suleriaatsit aaqqissuulluakkat*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

UTOQQAAT ANGERLARSIMAFFIINI INISSAT AMERLASSUSAAT		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINE Q</i>
- Ulloq unnuarlu angerlarsimaffimmi sivisuumi najugaqarneq pinngitsoortinniarneqarsinna avoq arlalinnik suliniuteqarnikkut, tassunga ilanngullugu paaqqutarineqalinnginnermi sungiusarneq aammalu peqqissutsimik siuarsaaneq pinaveersaartitsinerlu, suliniutit tamakkua 2015-imi aallartinneqarput. - Paamiuni Utoqqaat Illussaat, januaarip 12-ianni 2017 sananeqarluni aallartinneqarpoq.	- Nuummi Utoqqaat Illuata allineqarnissaa maajip 20-ianni 2017 aallartinneqassaaq. Nuummi Utoqqaat Illuata allissutaa aggustip aallaqqaataanni 2018 atuutilissaaq. - Tasiilami Utoqqaat Illussaat ukioq ataasiugallartoq kinguartinneqarpoq. - Paamiuni Utoqqaat Illuat aggustip aallaqqaataanni 2018 ammartussatut naatsorsuutigineqarpoq. - Puiguttortunngorsimasunut ulluunerani neqeroorutit, 2017	

SIVISUNERUSUMIK ULLOQ UNNUARLU PAAQQUTARINNITTARFIMMIINNISSAT PITSAALIORLUGIT

Suliniutit aallartinneqartut

Immikkoortumut pilersaarummi ineriartortitassatut, innuttaasut namminneq angerlarsimaffimminni najugaqaannarnissaat sapinngisamillu sivisuumik eqeersimaartuutinnissaannut suliniutit makku siunertaraat:

- Piginnaanngorsaaqqinneq
- Peqqissutsimik siuarsaaneq pinaveersaartitsinerlu
- Isumaginninnermi teknologii
- Kajumissutsimik suliniarneq
- Najugaqariaatsit nutaat

Immikkoortut taakku ataanni suliniutit qaqugu aallartinneqarnisaat takuuk.

ULLOQ UNNUARLU PAAQQINNITTARFINNI NAAMMASSISAQARSINNAASSUTSIMIK ANNERTUSAANEQ

Suliniutit aallartinneqartut

Paamiuni Utoqqaat Illuat nutaaq

Paamiuni Utoqqaat Illussa at januaarip 12-ianni 2017 aallartissutissaa nivaqqaarneqassaaq. Ulloq atuutilerfissaa, pingaarnertut piffissamik pilersaarut naapertorlugu tassaavoq aggustip aallaqqaataat 2018.

Siunissami suliniutissat

Tasiilami Utoqqaat Illussa at

Tasiilami Utoqqaat Illuliornissaa ukioq ataasiugallartoq kinguartinneqarpoq

Nuummi Utoqqaat Illuata allinissaa



Nuummi Utoqqaat Illuata allinissaa maajip 20-anni 2017 aallartinneqassaaq, allissutaalu aggustip aallaqqaataanni 2018 atulissaaq.

Puiguttortunngorsimasunut ornittagaq

Puiguttortunngorsimasunut 2018-imi ulluunerani neqerooruteqalernissaa pilersaarutaavoq , tassungalu tulleriissaarisartut ornittakkamut, Nuummi Utoqqaat Illuannittussamut tulleriissaarisassapput. Ornittakkap arfineq pingasuniit aqqaneq marlunnut inissaqarnissaa takorloorneqarpoq, sapinngisamillu angerlarsimaffippalaartuutinneqassaaq, marlussunnik siniffilerlugu qasuersaartarfilerlugu. Puigortunngorneq pillugu immikkoortoq takuuk.

SULERIAATSIT AAQQISSUULLUAKKAT

Tassunga tunngatillugu sulisut suleriaasiat aaqqissuunneqartariaqassaaq, taamaalillunik ulloq unnuarlu imminut nammassinnaasumik sipaarutaasumillu sulisoqarniassammat. Immikkoortuni 'Paaqqutarinninnermi pitsaassuseq aamma 'Suliap ingerlasarneri' erseqqissumik paasisaqarfigiumallugit takukkit.



8. UTOQQARNIK PAAQQUTARINNINNERMI PITSAASSUSEQ

Utoqqarnik paaqqutarinninnermi pitsaassuseq qulakkeerniarlugu assigiinngitsut suleqatigiissinnerisigut suliniuteqartoqassaaq, innuttaasup inuunera tamakkerlugu qitiutitsisunik. Paaqqutarinnittuusut nukittorsarneqassapput, paaqqutarinninnermi pitsaassuseq angujumallugu, utoqqarnillu sullissisartut pisariaqartut kommunimi peqqinnissarfinniillu assigiinngitsuneersut peqataatinneqassapput.

Immikkoortumut pilersaarutip immikkoortuata aappaani, ineriartortitsinissamut suliniutissat makkua suussusersineqarput:

- *Atuisut misigisaannik paasisimasaqarnissaq - paaqqinnermi pitsaassutsimik qulakkeerinnineq*
- *Utoqqarnik paaqqutarinninnermi piginnaasanik ineriartortitsineq*
- *Angerlarsimaffimmi ikiorteqarfimmi ataqatigiissaarineq pilersaarusiernerlu*
- *Angerlarsimaffimmi ulloq unnuarlu sulisoqarneq peqqissaasoqarnerlu*
- *Napparsimalluni sulinngitsoortarnernik ikilisaaneq*
- *Ulloq unnuarlu sulisoqarfinnut tamanut ilitsersuusiornissaq*
- *Ilitsersuineq ilinniartitseqqinerlu*
- *Innuttaasunik peqataatitsineq*

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut

UTOQQARNIK PAAQQUTARINNINNERMI PITSAASSUSEQ		
<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- Nuummi Utoqqaat angerlarsimaffiini sulisunut ataqatigiissarisut - Nuummi Utoqqaat angerlarsimaffiini attaveqaateqartitsineq, 2016 - Angerlarsimaffimmi ikiortit tamarmik ukiumut pikkorissartinneqartittarn erat - Utoqqarnik sullissinnermi napparsimaneq pissutigalugu	- Paaqqutarinninnerup pitsaassusaanik atuisunut misissuineq, 2017 - Angerlarsimaffimmi ikiortit tamarmik ukiumut pikkorissartinneqartittarn erat	- Angerlarsimaffimmi ikiorteqarfimmit ulloq unnuarlu sulisoqarnissaq

- sulinngitsoortarnerit ikilisarneqarnissaat - Ulloq unnuarlu sulisoqarfinnut tamanut ilitersuusiornissaq, 2016 - Nuummi pitsaassutsinik ineriartortitsisumik atorfinitsitsinissaq, 2016 - Angerlarsimaffimmi ikiorteqarfinmi Paarlakaajaattarnissamik aaqqissuussineq atuutilereerpoq		
---	--	--

ATUISUT MISIGISAANNIK PAASINNILLUARNEQ

Siunissami suliniutissat

Atuisunut misissuineq

Utoqqaat innuttaasut paaqqinermi pitsaassutsimik misigisaat pillugit ingerlatsivik naammattunik ilisimasaqanngilaq. Taamatut ilisimasaqarnissaq pingaaruteqarpoq, eqqortunik neqeroorutigineqarnissamut qularnaarinissamut ingerlatsiviup pisinnaasaanut tunngaviliissammata. Taamaattumik innuttaasut, angerlarsimaffimmi ikiorteqartinneqartut, utoqqaat angerlarsimaffiini najugaqartut imaluunniit utoqqaat najugaqaqatigiiffiini najugaqartut pillugit atuisunik misissuititsisoqarnissaa pisariaqarpoq.

Taamaammat atuisut misissuiffigineqarnissaannut atatillugu 2017-imi suliassat allattorsimaffiannik piumasaqaatinillu suliaqarnissaq pilersaarutaavoq. Tamanna pereerpat suleqatigiissitaliortoqassaaq, suliassamut pilersaarutip suliarineranut suliamik aqutsisumut paasissutissanik pisarialinnik tunniussaqaqtussamik. Suliassamut 400.000 kr-nik ilassutitut aningaasaliiffigineqarnissamik qinnuteqaateqartoqassaaq, piffissami aalajangersimasumi suliamik aqutsisussamik atorfinitsitsisoqarnissaa imaluunniit misissuinissamut avataaneersumik siunnersorteqarnissaa naatsorsuutigisariaqassammat.

UTOQQARNIK PAAQQUTARINNITTUT PIGINNAASAANNIK INERIARTORTITSINEQ

Suliniutit aallartinneqartut

Pitsaassutsimik ineriartortitsisumik atorfinitsitsineq

Angerlarsimaffimmi ikiorteqarnermi pitsaassutsimik qaffassaasoqarnissaa suli qitiutinneqarpoq. Angerlarsimaffimmi ikiorteqarfinmi aggustip aallaqqaataani 2016 pitsaassutsimik ineriartortitsisumik atorfinitsitsisoqarpoq. Pitsaassutsimik ineriartortitsisoq innuttaasuni ataasiakkaani sulissat pillugit ullormut pilersaarutiniq suliaqassaaq. Pitsaassutsimik ineriartortitsisup angerlarsimaffimmi ikiortit ataasiakkaat innuttaasuni ataasiakkaani sulineranni aamma malinnaaffigissavai, suliatigut pitsaassuseq qulakkeerniarlugu. Kiisalu pitsaassutsimik ineriartortitsisup angerlarsimaffimmi ikiortit suliani assigiinngitsuni ilinniartittassavai, soorlu assersuutigalugu quisarneq pillugu aammalu suliatigut ilisimasassat allat aammali pitsaanerpaamik attaveqaqatigiittoqartarnissaa qulakkeerniarlugu.

Suleqatigiinnik ataqatigiissaarisut

Nuummi Utoqqaat angerlarsimaffiini tamani immikkoortortani tamani suleqatigiinnut ataqatigiissaarisunik atorfinitsitsisoqareerpoq. Suleqatigiinnut ataqatigiissaarisut immikkoortuni ataasiakkaani aqutsisuupput, suleqatigiinnilu ataasiakkaani aaqqissuussaanermut aqutsinermullu qulakkeerinneqataassallutik.

Suliat allaaserineqarneri

Angerlarsimaffimmi ikiorteqarnermi suliat allattorsimaffii nutarterneqareerput, taamaasillutik anguniakkat maannakut tassaalerput, angerlarsimaffimmi ikiortit 50 %-ii ilinniarsimasuussasut.

Paarlakaajaannissamik aaqqissuussinerit

Angerlarsimaffimmi ikiorteqarnermi sulisut piffissami sivikinnerusumik sivilisunerusumiluunniit paarlakaajaattarnissaat atuutilersinneqareerpoq. Paarlakaajaattarnissamik aaqqissuussinerit sulisunut ataasiakkaanut angerlarsimaffimmi ikiorteqarnerup iluani suliatigut misilittakkanik paarlaasseqatigiiffittut nutaanillu ilikkagaqarnissamut periarfissiipput. Siullermik paarlakaajaattarnermik aaqqissuussineq Nuummi misilerarneqassaaq, kisianni paarlakaajaattarnissamik aaqqissuussineq Kommuneqarfik Sermersuumi illoqarfinnut nunaqarfinnullu allanut siammarternissaa pilersaarutaavoq.

Angerlarsimaffimmi ikiortut ukiumoortumik pikkorissartinneqartarnissaat

Angerlarsimaffimmi ikiortit ukiumoortumik pikkorissartinneqartarnissaat 2015-imi aallartinneqarpoq, angerlarsimaffimmi ikiortit amerlanerit ilinniarsimasuunnginneri pissutigalugu. Peqatigisaanik innuttaasut annertuumik paaqqutarisariaqartut amerlisimapput, namminneq angerlarsimaffimmi paaqqutarineqartariaqartut, taamaattumillu sulisut suliaasanut ajornakusoortunik suliaqarnissaminut pitsaassutsimillu qulakkeerininnissaminut piareersimanissaat pingaaruteqarpoq. 2016-imi ullut tallimat paaqqutarinninnermi piginnaanngorsaaqqiinnermilu pikkorissartitsisoqarpoq. 2017-imi Peqqissaanermik Ilinniarfimmi suleqatigiinnermut pikkorissartitsisoqarnissaa pilersaarutaavoq.

Siunissami suliniutissat

Ilinniarsimanngitsunut piginnaasanik ineriartortitsineq

Pingaartumik sulisut ilinniarsimanngitsut najukkami piginnaanngorsarneqartassapput, angerlarsimaffimilu najugalit nappaataat aallaavigalugit. Utoqqaat angerlarsimaffiinnut najugaqatigiiffiinnuunniit amerlanertigut KOL (Kronisk Obstruktiv Lungesygdom) puakut nappaateqarnerat, ukiorpassuarni imigassamik atuisimaneq, inuttut atugarisat imaluunniit qaratsakkut ajoqusersimaneq pissutaallutik nuutinneqartartut naluneqanngilaq. Sulisoq ilinniarsimasooq kalaallisut oqaasilik pikkorissooq immikkoortunut assigiinngitsunut sulisunik ilinniarsimanngitsunik paaqqutarinninnermik suliaqartunik malinnaasinnaasumik ornigutsitsisoqarsinnaanersoq imaluunniit ornigutsitsisoqassannginnersoq misissorneqassaaq. Aamma soorlu puigortunngorneq pillugu qarasaasiakkut ilinniartinneqarneq atorsinnaanersoq atorsinnaannginnerlorluunniit misissorneqassaaq.

ANGERLARSIMAFFIMMI IKIORTINUT ATAQATIGIISSAARINEQ PILERSAARUSIORNERLU

Utoqqarnik, angerlarsimaffimminni najugalinnik paaqqutarinninnermi pitsaassutsimik qaffasinnerpaamik neqerooruteqarniaraanni, angerlarsimaffimmi ikiortit tulleriissaarisartullu ataqatigiissaarinissaat pilersaarusiortarnissaallu qitiutinneqassapput. Taamaattumik

Kommuneqarfik Sermersooq tamakkerlugu utoqqarnik paaqqutarinninnermi ataqatigiissaarisoqarnissaa qulakkeerniarlugu suliniutissat makku suliarineqarput:

- 2016-imi immersugassaq krydsilersuiffissaq, taanna atorlugu angerlarsimaffimmi ikiortit tamarmik imminut isumaginissamut, atisalersuinnermut, nerisaqarnermut suliassanullu assigiinngitsunut illersorsinnaasumik pitsaasumik suliaqarnissaat anguniarlugu atulersinneqarpoq.
- Septembari 2016-imi ineriartortitsinissamut ataatsimiittoqartarpoq, tulleriissaarinissat angerlarsimaffimmilu ikiorteqalernissamut ikaarsaariarnissaq qulakkeerniarlugu.
- Innuttaasut angerlarsimaffimmi ikiorteqartinneqartartut pillugit suleqatigiinnissamut allattuiffiup suliarinera ingerlateqqinneqarpoq. Suleqatigiinnissamut allattuiffik innuttaasumut, qanigisaasunut, peqqinnissaqarfimmi attavii ikiorsiinerillu allat pillugit paasissutissanik imaqarpoq.

ANGERLARSIMAFFIMMI ULLOQ UNNUARLU SULISOQARNEQ PEQQISSAASOQARNERLU

Suliniutit allatut atuutilersinneqartut

Angerlarsimaffimmi ikiorteqarfimmit ulloq unnuarlu sulisoqarnissaq

Utoqqarnut immikkoortumut pilersaarutip immikkoortuata aappaani siunnersuutigineqarpoq, Nuummi angerlarsimaffimmi ikiorteqartitsivimmi ulloq unnuarlu sulisoqartalernissaanik neqerooruteqartoqassasoq. Angerlarsimaffimmi ikiorteqarnermi ulloq unnuarlu sulisoqartalernissaanut tunngasoq politikkikkut akuersissutigineqanngilaq, kisianni kommune peqqinnissaqarfillu akimorlugit qanoq iliornikkut suleqatigiissutigineqarsinnaanersoq suliaralugu ingerlateqqinneqarpoq. Erseqqinnerusumik oqaatigalugu 2016-imi Peqqinnissamut Naalakkersuisoqarfik aamma Kommuneqarfik Sermersooq peqqinnissamik isumaqatigiissuteqarnikkut suleqatigiinneq allartinneqarpoq. Suleqatigiinneq aallartinneqarpoq inuiaqatigiinni peqqinnissamut tunngasuni sulisut atorluarneqarnissaat pitsaanerpaanngortinniarlugu - assersuutigalugu sunniutaasussat ersarissarlugit aammalu nammineq sulisorisat piginnaasallu avitseqatigiinnikkut atorluarlugit. Ingerlatsivik suleqatigiissitani amerlanermi peqataasarpoq. Peqqinnissamik isumaqatigiissutip 2017-imi upernaakkut inaarneqarnissaa naatsorsuutigineqarpoq.

NAPPARSIMALLUNI SULINNGITSOORTARNERNIK IKILISAANEQ

Suliniutit aallartinneqartut

Napparsimalluni sulinngitsoortarnernik ikilisaaneq

Napparsimalluni sulinngitsoortarnerit pillugit sulineq 2016-imi septembarimi Isumaginninnermut, Suliffeqarnermut Inuussutissarsiornermullu Ingerlatsivimmi aallartinneqarpoq. Suleqatigiissitaliortoqarpoq, napparsimalluni sulinngitsoortarnerit ikilisarneqarnissaannut suliniutitut periarfissanik suliaqartoqarluni. Suleqatigiissitami assigiinngitsuneersut peqataatinneqarput. Utoqqarnik sullissinnermi napparsimalluni sulinngitsoortarnerit ikilisarneqarnissaat pillugu suliniummi suliakkiussatigut suliassartaa allassimasuutigineqarpoq.

Napparsimalluni sulinngitsoortarnerit ikilisarneqarnissaat - aqutsisut workshopeqartinnerat

Nuummi utoqqarnik sullissisut aqutsisui 17-it, novembarip 10-anni 2016 workshopertinneqarput, ataatsimoorlutik "qanilaarnerulersitsinissamut" suliniutissat nassuiaasersorniarlugit. Ataatsimoorlutik sulinnerminni qanilaarnerunermik qitiutitsinerunissaq anguniarnerani, napparsimalluni sulinngitsoortarnerit ikilisarniarneqassasut. Tulliani workshopertitsinissaq januaarip 23-ianni 2017 ingerlanneqartussatut pilersaarutigineqarpoq, tassanilu

napparsimasarnerit ikilisarniarlugit aqutsisut ataasiakkaat suliassaat akisussaaffiilu sularineqassapput, peqatigitillugulu aqutsisut maligassiuissatut pingaarutilittut imminnut isiginissaat eqqartorneqassalluni. Aqutsisoq nammineerluni napparsimakulasarp, sulisut tamakkerlutik taamatut pissusilersoqqajaasarp.

Angerlarsimaffimmi ikiorteqarnermi napparsimaneq pissutigalugu sulinngitsoortarnerit
Angerlarsimaffimmi ikiorteqarnermi napparsimaneq pissutigalugu sulinngitsoortarnerit ikilisarniarlugit imaaliortoqarpoq:

- Paarlakaajaalluni vagteqartarnek atorunnaarsinneqarpoq, taarsiullugulu ullukut piareersimasartunik piffissallu ilaannaanni piareersimasartunik aalajangersimasunik pilersitsisoqarpoq.
- Napparsimalluni sulinngitsoortarnerit pillugit oqaloqatiginnittarnerit sukannernerulersinneqarput
- Suliffimmi qanilaarnerunissamik qitiutitsineq
- Qaammammi sulisutsialak atuutilersinneqassasoq
- Sulisut piffissap ilaannaanni sulisalernissaminnik kissaateqartillugit, imaluunniit aalajangersimasamik unnukut vagteqartarnissamik ullukkullu vagteqartarnissamik kissaateqartillugit, eqaannerusumik suleriaaseqarnissaq.

ULLOQ UNNUARLU SULISOQARFINNUT TAMANUT ILITSERSUUSIORNISSAQ

2016-imi suliassaqarfinni makkunani ilitsersuusiortoqarpoq:

- Nakorsaatiniq passussineq
- Eqqiluisaarnek (Assaat asannissaat, imminut isumagineq, tunillaanissamut aarlerinaat il.il.)
- Siunertarinngisamik pisut (tamatumunnga pinaveersaartitsinermut nalunaaruteqartarnek aamma iliuusissatut pilersaarut)
- Ilitsersuineq (Sulisut tamakkerlugit immikkoortortallu ataasiakkaat)
- Pissaanermik atuineq
- Pinartoqartillugu (Pinartoqartillugu sulineq)

Ilitsersuutit illoqarfinni nunaqarfinnilu utoqqarnik najugaqaqatigiiffeqartuni utoqqarnullu angerlarsimaffeqartuni tamani atorineqassapput.

ILITSERSUINEQ ILINNIARTITSEQQIINERLU

Isumaginninnermut, Suliffeqarnermut Inuussutissarsiornermullu Ingerlatsivik kommunimi utoqqarnik sullissiveqarfinni tamani sulisunut nutaanut pingaarnertut ilitsersuusiornikuuvoq, tamannalu 2017-imi januaarimi aallartinneqassaaq. Nuussineq, puigortunngorneq pissaanermillu atuineq pillugit ilinniartitsisoqassaaq. Ilitsersuummi sulisut nutaat tunngaviusumik ilisimasassaannik pitsaasunik tunineqassapput, nutaatullu sulilersut ilinniartinneqareerunik uppernarsaammik tunineqassapput.

Aamma nakorsaatilerinnermi suliffimmilu avatangiisinut tunngasunik ilitsersuutaasumik pikkorissartitsisoqartalernissaa sulissutigineqarpoq.

Suliniutit aallartinneqartut

Aalajangersimasumik attaveqaateqarneq

Innuttaasut utoqqaat illuannut nuuttussat sapinngisamik pitsaasumik ulluinnarni ikorfartorneqarnissaat qulakkeerniarlugu, 2016-imi Nuummi Ippiarsummi Utoqqaallu Illuanni aalajangersimasumik attaveqaateqartitsisoqalerpoq. Aalajangersimasumik attaveqaataasartoq ulluinnarni ikorfartuisuuvog, taassumalu qulakkiissavaa najugalik - sapinngisamik pitsaasumik ulluinnarni inuunermini nammineerluni aalajangiisinnaanissaa. Aalajangersimasumik attaveqaataasartoq aamma najugallip, qanigisat, suleqatitit, suleqatigiinni aqutsisup suleqatigisartakkallu akornanni atassuteqaataavog.

Angerlarsimaffimmi ikiorteqartitsineq pillugu innuttaasunut paasissutissiineq

Angerlarsimaffimmi ikiorteqartitsiveqarfik angerlarsimaffimmi ikiorteqarneq pillugu innuttaasunut paasissutissiissutinik quppersakkanik suliaqarpoq. Quppersakkatut paasissutissat iluaqutigalugit innuttaasut angerlarsimaffimmi ikiorteqarnermut ilimagisaat pillugit taasititsisoqassaaq, aammalu innuttaasut qanigisaasullu suleqatiginerisa siuarsarneqarnisaannut iluaqutigineqassaaq.

8. SULIASSANIK SULIARINNINNERNI ALLAFFISSORNERMILU PITSAASSUTSIT

Utoqqarnut immikkoortortami suliamik suliaqartarnerup allaffissornerullu pitsaassusii sullisseriaaserlu pitsaanerulersinneqarnissaat qulakkeerniarlugit immikkoortortat tamarmik akornanni suleqatigiinneq annertuumik ataqatigiissarneqassaaq. Neqeroorutit ataasiakkaat aaqqissuussaannerat imminnullu ataqatigiinnerat pilersinniaraanni pingaaruteqarpoq suliassa qarfiit akimorlugit aamma tamakkiisumik aaqqissuussamik kiisalu suleriaatsinik assigiissaakkanik pilersitsinissaaq. Sullisumut, tulleriissaarisumut, allaffissornermik suliaqartumut, sungiusaasoqatigiinnut, angerlarsimaffimmi ikiortinut paaqqutarinnittarfimmilu sulisunut atuuppoq.

Immikkoortumut pilersaarutip immikkoortuata aappaani, ineriartortitsinissamut suliniutissat makkua suussusersineqarput:

- **Suliassanik suliarinnittarnerni pitsaassutsinik qulakkeerinninnerit naleqartitanillu pilersitsinerit**
- **Ataatsimut nalunaarsuisarneq – Winformatikimik pitsanngorsaaneq**
- **Tulleriissaanerup qitiusunngortinneratigut pitsaanerulersitsineq**

Tulliuttuni immikkoortup aappaani ineriartortitsinissamut suliniutissat malinnaaffigineqassapput. Ineriartortitsiffissat malinnaaffigilluarumallugit, immikkoortuni tulliuttuni ineriartortitsiffissat imatut agguataarneqarput:

- Suliniutit aallartinneqartut
- Siunissami suliniutissat
- Suliniutit allatut atuutilersinneqartut
-

SULIASSANIK SULIARINNINNERNI ALLAFFISSORNERMILU PITSAASSUTSIT

<i>SULINIUTIT AALLARTINNEQARTUT</i>	<i>SIUNISSAMI SULINIUTISSAT</i>	<i>ALLATUT ILIORLUNI ATUUTILERSITSINEQ</i>
- Lean, 2017-imi maajimit atuutilissaaq - - Suliamik suliarinninnermi angusassatut uuttuutiniq atuineq, 2016 - - Aalajangiinernik misissuillattaarneq, 2016 - - Tulleriissaarisartut Paamiunut decembari 2015-imi angalapput, Tasiilamilu aprili 2016-imi	- Winformatikkip nutarternera	-

1. NALEQARNERULERSITSISUMIK SULIAMIK SULIAQARNEQ

Suliniutit aallartinneqartut

LEAN

Isumaginninnermut, Suliffeqarnermut Inuussutissarsiornermullu Ingerlatsiviup 2015-imi maajimi novembarimilu LEAN-imik pikkorissaaneq ingerlappaa, aqqissuussaanermik suleriuserineqartumillu pitsanngorsaaneq tassani siunertaalluni, ukulu qitiutinneqartut:

- Sulinitinni ikiugassavut tassalu utoqqaat naleqarnerulersinneqarnissaat
- Nukinnik piffissamillu atuilussinnarfiunngitsumik ingerlaavarnerusumik suleriuseqalernissaq

Pisartakkanik Isumaginniffik Oqartussaqaarfillu Nuummiittut marsip aallaqqaataani 2016-imi ataatsimoortinneqarlutik ataatsimik immikkoortumi aqutsisoqalermata, aggusti 2016-imi pikkorissartitsisoqaqqippog, tamatumani immikkoortut marluk akornanni suleqatigiinnerup nukittorsarneqarnissaa qitiutinneqarluni. LEAN-imik 2017-imi pikkorissartitsisoqaqqinnissaa pilersaarutaavoq, immikkoortut marluk ataatsikkut pikkorissartinneqassallutik.

Aggusti 2016-imi pikkorissareernerup kingornagut sapaatip akunneranut ataasiarluni allattuilluni ataatsimiittoqartalerpoq, tassanilu piffissamik atuilussinnannginnissaq pinaveersaarniarlugu pitsanngorsaattissat ingerlaavartumik suliarineqartarput.

Anguniakkatut siunnerfiit:

innuttaasup pitsaanerusumik sullinneqarnissaanik siunertaqartumik suliamik suliaqarnermi kiffartuussinnermi angusaqarfiusumillu anguniagaqartarnissaq ingerlatsivimmit 2016-imi atuutilersinneqarusuppoq. Anguniakkat aqutsisut sulisullu aqutsinnermi nalilersuinnermilu sakkussatut atortussaavaat, aamma missingersuusiornermut atatillugu takussutissatut pilersaarusiornermullu sakkussaassapput.

Angusassatut siunniussat tulluittut immikkoortumi suliaqassuseq paasisaqarfigitinniarlugu toqqagaapput.

Nuummi Oqartussaaffeqarfiup qaammatit tamaasa angusassatut siunniussat makku kisitsisinngorlugit saqqummiuttarpai:

- Oqaloqatiginninnerit qassiuneri,
- Sulisup ataatsip sapaatip akunneranut oqaloqatiginnittarneri qassit,
- Isumaginninnermut siunnersortit sapaatip akunneranut ataasiarlutik oqarasuaatikkut attavigineqarsinnaanerini suliaassat qassit takkunnarsut
- Pinartumik oqaloqatigiinnerit qassit
- Piffissaq eqqorlugu aningaasanik tunniussinerit qassit

Kisitsisit tamakkua Isumaginninnermut, Suliffeqarnermut Inuussutissarsiornermullu Ataatsimiititamut qaammatit tamaasa saqqummiunneqartarput, Angusassatullu siunniussat angusassat angutserlugit sukkanerusumik sulinissaq siunertarlugu kaammattuutaassapput. Kisianni angusassatut siunniussanik uuttuinerit ingerlaavartumik nalilersorneqartassapput, angusassatut kissaatigineqartunut angusat uuttorneqartut naapertuuttuunarsut takuniarlugu.

Misissuillattaarnerit

Isumaginninnermi, qaammatit tamaasa utoqqalinersiat, erninnermut atatillugu sulinngiffeqarallarneq, ineqarnermut tapiissutit, pisortanit ikiorsiissutit aammalu suliffeqanngikkallarnermi ikiorsiissutinik tunniussinissamut eqqortumik aalajangiisarneq inatsisit eqqortut naapertorlugit, Ingerlatsivimmit ingerlanneqarnerat qulakkeerniarlugu misissuillattaartoqartarpoq. Pitsaassutsimik qulakkeerisoqartarnissaanut siunertarineqarpoq, naatsorsuinnermi nalinginnaasumillu pisartakkanik tunniussisarnermut tunngatillugu kukkusarnerit ikinnerpaaffianniitilernissaat.

2. ATAASIMOORTUMIK NALUNAARSUINEQ

Siunissami suliniutissat

Winformatikkip nutarternera

Innuttaasut pitsaasumik assigiissaakkamillu sullinneqassappata, ingerlatsivimmi sulisunut ataatsimoorussamik nalunaarsuiffeqalernissaa pingaaruteqarlunnartuuvoq. Utoqqarnut immikkoortumut pilersaarutit immikkoortuata aappaani ataatsimoortumik nalunaarsuiffeqalernissamik pisariaqartitsineq nalunaarutigineqarpoq, systemip pioreersup Winformatikkimiittut nutarterneqarneratigut pisinnaasoq.

Winformatikkilli atuutilersinneqarnissaanut suliareqqaagassaasoq paasinarsivoq, paasissutissat inunnut tunngasut pillugit inatsimmut, kommunimilu qarasaasiaqarnermut politikkimut il.il. atuutilersitsineq naleqquttuunersoq qulakkeerniarlugu. Tamakku saniatigut Winformatikkimik atuutilersitsinissamut ilinniartitsinissamullu pilersaarusiortoqassaaq. Fagschefit suliaassamik ingerlatsissapput, nalunaarsuisarnermut systemip annertusinera eqqortumik ingerlanneqarneris qulakkeerniarlugu. Suleqatigiissitat januaari 2017-imi sulinertik aallartissavaat.

Suleqatigiissitat qulaani taaneqartut piareerpatigit, Winformatikkip annertusinissaa Kimik ITmit suliareqarsinnaalissaaq, taakkulu siunnersortit akunnerni 2-3-ni suliaqarnissaat missiliuusiortaat.

Annertusaaneq pereerpat atuinissamik ilinniartitsineq aallartinneqassaaq. Siunnersortimit ilinniartinneqartussanik superbrugerinik toqqaasoqarpoq. Superbrugerit sulisunut nutaanut systemimik ilinniartitsisassapput.

3. TULLERIISSAANERUP QITIUSUNNGORTINNERATIGUT PITSAANERULERSITSINEQ

Suliniutit aallartinneqartut


Sulinermut atatillugu angalanerit

Tulleriissaarisartut Kommuneqarfik Sermersooq tamaat eqqarsaatigalugu utoqqarnik sullissisussaammata, Nuup avataani pissutsinik ilisimasaqarnissaat pingaaruteqarpoq. Taamaattumik immikkoortumut pilersaarummi immikkoortup aappaani ineriartortitassatut suliniutissaavoq, illoqarfinni nunaqarfinnilu sulinermit paasisaqarnerorusullutik tulleriissaarisartut Paamiunut Tasiilamullu angalassasut.

Pitsaannerusumik qitiusumiit tulleriissaarisarneq aallertinneqareerpoq, tulleriissaarisartullu decembari 2015-imi Tasiilamilu aprili 2016-imi angalapput.

Qitiusumit tulleriissaarisarneq pitsanngorsaaffiginarlugu aamma aalajangerneqarpoq, tulleriissaagassat nutaat tamarmik tulleriissaarisartoqatigiinnut aqqusaarteqqaartarnissaat. Tulleriissaarinermit innuttaasoq sianerfigineqartarpoq, saaffiginnissummut attuumassuteqartoq immikkoortortami sulisoq peqatigalugu. Tulleriissaarisartut assigiissakkamik qinnuteqarnermi immersugassaateqarput, angerlarsimaffimmi ikiorteqarniarneq, utoqqaat angerlarsimaffiannut nuunnissamik qinnuteqaat, sammisassaqartitsivilartarnissamik qinnuteqaat, bussinut ilaasarnissamut qinnuteqaat, inissiamut utoqqarnut inunnullu innarluutilinnut naleqqussakkamut nuunnissamik qinnuteqaat nerisassanillu pajunneqartarnissamik qinnuteqaat tamarmik tassaniipput.

Paamiunut Tasiilamullu angalanermut atatillugu suliat allattorsimaffii, inatsisit tunngavissat, qinnuteqarnermi immersugassat, isumaqatigiissuteqarnermilu immersugassat mappimut tunniunneqarput. Ittoqqortoormiut, Kapisillit, Qeqertarsuatsiaat, Arsuk, Kuummiut, Kulusuk, Sermiligaq, Tiileqilaaq, Isertoq aamma suliat allattorsimaffiinik, saaffigininnermi immersugassanik qinnuteqarnermilu immersugassamik nassinneqarput. Pappiarat tamakkua atorlugit assigiissakkamik qinnuteqarfissaq ilanngullugu Kommuneqarfik Sermersooq tamaat



assigiissakkamik suliamik

ingerlatsisoqarnissaanut qulakkeerisoqassaaq.

Utoqqarnut immikkoortortamut pilersaarutip suliarinerani utoqqarnut tunngasuni suliaqarnermi ineriartortitassatut tunuliaqutaasut paasiniarneqarput, immikkoortullu pingajuata naalernerani

ineriartortitsinissamut suliniutit tamakkua atuutilersinneqarnissaannut pilersaarut ilanngunneqarpoq. Allattariarsornertaa maanna inaarneqarmat, utoqqarnut immikkoortumut pilersaarut aallarteruttorneqarpoq. Tassami Utoqqarnut immikkoortumut pilersaarut ukioq 2020-ip tungaanut Kommuneqarfik Sermersuumi utoqqarnut tunngasuni ineriartortitseqqinnissamut naleqqanik takorluukkanillu nassataqarpoq. Maannakkut suliassanngorpoq takorluukkat piviusunngortinneqarnissaat, taamaasillutik Kommuneqarfik Sermersuumi utoqqaat sapinngisamik nammineerlutik allanik isumalluuteqaratik sapinngisamik sivisuumik inuuneqarnissaannut ikorfartortuarneqarniassammata – pisariaqartitaminnik, naleqquttunik ikiorserneqarnissaminnut peqatigitillugu.

Kommuneqarfik Sermersuumi utoqqarnut immikkoortumut pilersaarutip sapinngisamik pitsaasumik ineriartortinneqarnissaa qulakkeerniarlugu, immikkoortumut pilersaarutip suliarinerani innuttaasut ingerlaavartumik oqaloqatigiittarnikkut peqataatinneqartarnissaat pingaartinneqarpoq. Taamaattumik, utoqqarnut immikkoortumut pilersaarusiornissamut najoqqutassiisumik innuttaasunik ataatsimiititsisarnerni tunniunneqartorpassuarnut qujanarujussuaq. Ineriartortitsinissamut pilersaarutit atuutilersinneqarnissaannut suliamik ingerlatitseqqinnermi pitsaasumik oqaloqatigiittarnissaaq innuttaasullu qitiutittuarnissaat aalajangiusimaneqaannarnissaa kissaatigineqarpoq. Taamaattumik ineriartortitsinissamut suliniutit atuutilersinneqassapput ineriartortinneqarlutillu, taamaalilluni innuttaasunut iluaqutaanerpaamik sullissisoqarniassammat, innuttaasullu sapinngisamik annertunerpaamik namminneq inuunerminnut oqartussaaqataatinneqarnissaat qulakkeerneqarniassammat.

Ilanngussaq 1

Takussutissami ataaniittumi ineriartortitsiffiusussat, suleqatigiinnut aqutsisut suleqatigiissitalu takuneqarsinnaapput. Suleqatigiissitat tamarmik immikkut ineriartortitsiffiusussami pineqartumi pilersaarusiornissamik periusissiorinissamillu suliassinneqarput. Suleqatigiinnut aqutsisut ulluinnarni sulinermi atuutilersitsinissap piviusunngortinnissaa akisussaaffigaat.

Nr	Ineriartortitassaq	Teamlederi	Suleqatigiissitat
1 & 2	Piginnaannorsaaqqiineq isumaginninnermilu teknologii	Lise Lotte Have	Peter Mattaaq, Frederikke Biilmann, Ane-Marie Skifte, Mika Eliassen, Christian Hannibal Jensen
3	Peqqissutsimik siuarsaaneq pitsaaliuinerlu	Mikael Kemner	Marie Grønvold, Akannguaq Lennert, Marianne Nielsen Apaloo,
4	Kajumissutsimik suliniarneq	Birtha Bianco	Naja Kriegel, Peter Mattaaq, Hendrine Poulsen Lund, Lone Steenholdt, Sara Pasquali
5	Puiguttorneq	Mika Eliassen	Henriette Simonsen, Lone Ellingsgård, Henriette Holm
6	Najugaqariaatsit nutaat	Birtha Bianco	Marianne Moesgård Pedersen, Christian Hannibal Jensen, Hendrine Poulsen Lund
7	Sulisoqarfinni paaqqutarinnittut naammassisaqarsinnaassusiat	Naja Kriegel	Hendrine Poulsen Lund, Naja Kriegel, Birtha Bianco
8	Utoqqarnik paaqqutarinninnermi pitsaassuseq	Hendrine Poulsen Lund	Naja Kriegel, Birtha Bianco, Hendrine Poulsen Lund, Ellen Napatok, Karen Poulsen, Andrea Sørensen, Anne Sofie Berglund, Peter Mattaaq
9	Suliassanik suliarinninnermi allaffissornermilu pitsaassutsit	Anne á Dalbø	Anne á Dalbø, Kristian Dahl, Kurt Pedersen, Ane- Marie Skifte, Larseeroq Poulsen, Sara Pasquali